

四庫全書薈要

• 乾隆御覽本

經部

欽定四庫全書薈要

經部

左傳注疏卷五十七
八



春秋左傳注疏卷五十七

起哀公元年盡五年

晉杜氏注 唐陸德明音義 孔穎達疏

 哀公音義

陵口哀公名蔣定公之子蓋夫人定似所生敬王二十八年即位諡去聲仁短折曰

疏上同

經元年春王正月公即位注無傳

楚子陳侯隨侯許男圍蔡注隨世服於楚不通中國吳之入楚昭王奔隨隨侯免之卒復楚國楚人德之使列

於諸侯故得見經定六年鄭滅許此復見者蓋楚封之

音義

見野通反下同此復扶人反

疏

注正義曰僖一十年楚人伐隨自爾以來隨不復見以隨世服

於楚為楚私屬不通於諸侯征伐盟會不齒於列故史不得書之猶如邾滕為人私屬不序於宋盟也定四年保護昭王楚得復國楚人感其恩德使隨列於諸侯今楚帥諸侯圍蔡令隨在其班次以之告晉故得見經定六年鄭滅許以許男斯歸殺之此時許復見者以許屬楚故疑蓋楚封之當如蔡侯廬陳侯奭受封於楚也世族譜許男斯之後有元公成悼公孫則是楚封元公為許男也

鼷鼠食郊牛改卜牛

夏四月辛巳郊注無傳書過也不言所食非一處音義

處昌疏注正義曰桓五年傳例云凡祀故螽而郊過則慮疏書今以四月始郊已入春分之氣故書過也宣
三年郊牛之口傷成七年藏鼠食郊牛角言其
傷食之處此不言所食處者所食非一處也

秋齊侯衛侯伐晉

冬仲孫何忌帥師伐邾注無傳

傳元年春楚子圍蔡報伯舉也注在定四年里而裁

注裁設板築為圍壘周匝去蔡城一里音義

裁才代反又音

再注同說又云築牆長版壘力軌反匝子合反

疏注正義曰築牆立版謂之裁裁者豎木以約版也楚

慮外人救蔡則於表裏受敵故築圍壘周匝去蔡城一里以圍之欲置兵其內以攻蔡使外人不得救之

廣丈高倍注壘厚一丈高二丈音義

廣古曠反高倍竝如字高又古

報反注同厚戶豆反

夫屯晝夜九日注夫猶兵也壘未成故令

人在壘裏屯守蔡音義

屯徒門反夫兵也屯守也令力呈反

疏

注正義曰劉炫

云杜言夫猶兵也以壘未成故令人在壘裏屯守蔡然則未築壘前兵豈遠城乎壘成之後兵復出壘乎以圍人夜守常事何言晝夜九日以後兵豈散乎炫以夫屯謂夫役屯聚晝夜不止九日而築壘成耳夫者別有城夫非戰士劉炫以為丁夫築城晝夜九日杜必以夫為兵屯守九日者以屯是城守之名故詩序云屯戍於母家又案傳晉有輶車皆是兵之屯守經籍未有作役之人而為屯守之號者故杜為此解劉妄規杜失非也

如子西之素注子西本計為壘當用九日

而成蔡人男女以辨注辨別也男女各別係壘而出

降音義

辨扶免反又方免反別彼列反下同繫力維反降尸江反

使疆于江汝之

間而還注楚欲使蔡徙國在江水之北汝水之南求

田以自安也蔡權聽命故楚師還音義

疆居良反疏注正

服虔云蔡使楚進疆於故江國與汝水之間意言蔡割地以昭楚也杜不無者以昭七年傳中無字云先君文王作僕區之法所以封汝哀十七年傳曰彭仲與申俘也文王以為令尹實縣中息朝陳蔡封畛於汝則楚於文王之時其竟已至汝水寧於此役蔡始令楚進疆于江汝之間也且汝水江國不可共文故杜以為楚使蔡徙其國都於江北汝水之南自擇疆宇欲令遷都近楚為楚屬國蔡人冀令楚去心雖不

肯權宜許之楚還之後蔡更自議已與楚惡不如事吳故請遷于吳以吳為援蔡於是乎請

遷于吳注楚既還蔡人更叛楚就吳為明年蔡遷州

來傳○吳王夫差敗越于夫椒報檇李也注檇李在

定十四年夫椒吳郡吳縣西南大湖中椒山音義夫

扶椒又作耕子消反疏注正義曰杜於此注以椒為

檇李音醉大湖音泰山名土地名以夫椒為地名

以戰必在山旁遂入越越子以甲楯五千保于會稽

注上會稽山也在會稽山陰縣南音義楠食允反又

反稽古今反會稽使大夫種因吳太宰嚭以行成吳

山名上時掌反

子將許之伍員曰不可臣聞之樹德莫如滋去疾莫

如盡昔有過澆殺斟灌以伐斟鄩注澆寒浞子封於

過者二斟夏同姓諸侯襄四年傳曰澆用師滅斟灌

音義

種章勇反詁音鄙反員音云去疾起呂反本又作去惡過古禾反國名注及下同澆五州反一

音五報反下同斟諸林反灌古亂反鄩疏注正義曰

音尋澆仕捉反夏戶雅反下注皆同疏襄四年傳

稱夏之衆也有窮后羿因夏氏以伐夏政而用寒浞

寒浞殺羿因其室而生澆處澆于過是言澆是寒浞

之子封於過也二斟夏同姓諸侯夏本紀文也又襄

四年傳云澆用師滅斟灌此言殺斟灌者上篇云滅

殺也古者滅殺尊卑同名其然言殺其君而滅其國

故二文各言其一也賈逵云夏后相依斟灌而國故

因殺夏后相也案下句別
言滅夏后相王解是也

滅夏后相注夏后相啓孫

后相失國依於二斟復為澆所滅音義

相息亮反注及下注同復

扶又疏注正義曰夏本紀云禹生啓啓生大康大康
反崩仲康立仲康崩子相立是相為仲康之子

啓之孫也書序云大康失邦作五子之歌其經云大
康尸位以逸豫乃政于有洛之表十句弗反有窮后

羿因民弗忍距于河則大康之時羿已權威能廢大
康矣肅征云唯仲康肇位四海孔安國云羿廢大康

而立其弟仲康為天子仲康羿之所立也仲康崩子
相立蓋亦羿立之矣傳言羿因夏民以代夏政蓋於

相時羿始自立為天子相於是失國依
於二斟及澆滅斟灌相復為澆所滅

后緡方娠逃

出自竇注后緡相妻娠懷身也音義

緡亡巾反娠音震又音身竇音

豆 歸于有仍注后綴有仍氏女生少康焉為仍牧正

注牧官之長音義

少詩照反
長丁丈反

基澆能戒之注基毒也

戒備也音義

基音忌

澆使椒求之注椒澆臣逃奔有虞

為之庖正以除其害注虞舜後諸侯也梁國有虞縣

庖正掌膳羞之官賴此以得除已害音義

庖步交反疏注

義曰尚書堯典云有鰥在下曰虞舜又曰釐降二女于娀娀嬀于虞皇甫謐云嬀于虞因以虞為氏虞今

河東大陽縣西山上虞城是也然則舜有天下其代號虞因本河東大陽之虞及周之興封仲雍之後為虞國即彼地是也但舜既禪禹禹封舜後為諸侯雖取虞為國名未必封於河東虞地而梁國有虞縣其

地以虞為名疑是夏時虞國杜於地名言有者皆是
疑辭言有以示不審也庖正當周禮之庖人謂之為
正當是食官之長故為掌膳羞之官也賴
此以得除己害得在從之世不被殺也

虞思於是

妻之以二姚注思有虞君也虞思自以二女妻少康

姚虞姓音義

妻七計反
姚羊昭反

邑諸綸注綸虞邑音義

綸音

有田一成有衆一旅注方十里為成五百人為旅疏

注正義曰方十里為成司馬法文也五百人為旅夏
官序文也田一成衆一旅言食此一成之地其內有
為兵者五百人周禮小司徒云乃井牧其田野鄭衆
云井牧者春秋傳所謂井衍沃牧隰皐者也鄭玄云
隰皐之地九夫為牧二牧而當一井今造都鄙授民
田有不易有一易有再易通率二而當一是之謂井

牧昔夏少康在虞思有田一成有衆一旅一旅之衆而田一成則井牧之法先古然矣杜解牧隰臯雖與鄭異其授民田二而當一理亦宜然計方十里為方一里者百方一里有九夫之田則十里容九百夫也其一百夫授上地不易者其四百夫授一易二而當一則得為五百夫矣能布其德而兆

其謀注兆始以收夏衆撫其官職注襄四年傳曰靡

自有高氏收二國之燼以滅浞而立少康音義高音燼

徐力反又

疏

注正義曰引此傳者言少康能布恩惠

秦力反

疏

以收夏衆以德撫靡故得用靡遺民滅

浞而使女艾諜澆注女艾少康臣諜侯也音義女如字又

音汝艾五蓋

使季杼誘豷注豷澆弟也季杼少康子

反諜音牒

后杼也音義

杼直呂反
殳許器反

遂滅過戈復禹之績注過澆

國戈殳國音義

過戈並古禾反
之績一本作迹

祀夏配天不失舊物

注物事也今吳不如過而越大於少康或將豐之不

亦難乎注言與越成是使越豐大必為吳難音義

乃難

只反句踐能親而務施施不失人注所加惠賜皆得其

人音義

施始鼓反下同

親不棄勞注推親愛之誠則不遺小

勞與我同壤而世為仇讐於是乎克而弗取將又存

之違天而長寇讐注猶言天與不取音義

長丁文反下同

疏

注正義曰吳語云越滅吳吳王請行成越王曰昔天以越賜吳而吳不取是也後雖悔之不

可食已注食消也已止也疏正義曰言悔恨之深結其心腹不可如食之消

止姬之衰也日可俟也注姬吳姓言可計日而待音

義俟本又作介在蠻夷而長寇讐以是求伯必不行

矣弗聽退而告人曰越十年生聚而十年教訓注生

民聚財富而後教之音義介音界伯如字又音疏注

義口服虔云令少者無娶老婦老者無娶少婦女十

七不嫁男二十不娶父母有罪也將生子以告與之

豎饋之餽也死者釋其征必哭泣葬埋如其子也孺

不收
於國 二十年之外吳其為沼乎注謂吳宮室廢壞當

為汚池為二十二年越入吳起本音義

沼之北反
汚音烏

三

月越及吳平吳入越不書吳不告慶越不告敗也注

嫌夷狄不與華同故復發傳音義

復扶
又反

○夏四月齊

侯衛侯救邯鄲圍五鹿注趙稷以邯鄲叛范中行氏

之黨也五鹿晉邑音義

邯音寒
鄲音丹

○吳之入楚也注在

定四年使召陳懷公懷公朝國人而問焉曰欲與楚
者右欲與吳者左陳人從田無田從黨注都邑之人

無田者隨黨而立不知所與故直從所居田在西者

居右在東者居左逢滑當公而進注當公不左不右

音義

滑于八反

曰臣聞國之興也以福其亡也以禍今吳

未有福楚未有禍楚未可棄吳未可從而晉盟主也

若以晉辭吳若何公曰國勝君亡非禍而何注楚為

吳所勝對曰國之有是多矣何必不復小國猶復況

大國乎臣聞國之興也視民如傷是其福也注如傷

恐驚動其亡也以民為土芥是其禍也注芥草也音

義

莽古
邁反

楚雖無德亦不艾殺其民吳日敝於兵暴骨

如莽注草之生於廣野莽莽然故曰草莽音義

艾魚
廢反

暴

步卜反

而未見德焉天其或者正訓楚也注使懼

莽

亡黨反

而改過禍之適吳其何日之有注言今至陳侯從之

及夫差克越乃修先君之怨秋八月吳侵陳修舊怨

也注傳言吳不修德而修怨所以亡○齊侯衛侯會

于乾侯救范氏也師及齊師衛孔圉鮮虞人伐晉取

棘蒲注魯師不書非公命也孔圉孔炰鉏曾孫鮮虞

狄師賤故不書音義

國魚呂反燕之承反鉏仕居反疏

注正義曰杜以經書齊衛

伐晉傳言四國伐晉故唯解魯與鮮虞不書意也劉炫以齊衛會乾侯救范氏者師相會因而行伐二君親行告伐不告會也行伐之後魯與鮮虞會之齊衛史遣師與同伐也但齊將卑師衆故稱師衛將尊師少故云孔圉後伐四國竝皆不書非獨魯與鮮虞不書也當謂魯師不書非公命餘者不書皆不告義出百塗竝得通也今知劉非者杜以傳齊侯衛侯止云會乾侯不言伐晉即云師及齊師衛孔圉鮮虞人伐晉與經齊侯衛侯伐晉文相次當以為一鮮虞狄師賤故略而不書猶邲之戰唐侯從楚而不書平丘之會狄人從晉而不書之類是也劉以為孔圉等更別伐晉魯師不書非公命餘者不告故不書而規杜過也

○吳師在陳楚大夫皆懼曰闔廬惟能用其民以

敗我於栢舉今聞其嗣又甚焉將若之何子西曰二

三子恤不相睦無患吳矣昔闔廬食不二味疏

正義曰謂

與在下同其好惡不別二為美味也居不重席室不崇壇注平地作室

不起壇也音義

重直龍反壇徒丹反

器不彤鏤注彤丹也鏤刻

也音義

彤徒冬反鏤魯旦反

宮室不觀注觀臺榭音義

觀古亂反注同

榭音謝

舟車不飾衣服財用擇不取費注選取堅厚不

尚細靡音義

費芳味反

在國天有菑癘注癘疾疫也音義

菑音災癘本或作天無菑癘疾疫音役

疏

正義曰在國與在君相對天有菑癘與下句相連言有菑

薦之時親自巡孤寡共其乏困也本或作天無誤耳親巡其孤寡而共其乏困

在軍熟食者分而後敢食注必須軍士皆分熟食不

敢先食分猶徧也音義

共音恭熟食者分如字一請以分字連下句徧音遍

疏

注正義曰孫武兵書云軍井未達將不言渴軍竈未炊將不言飢故闔閭在軍如良將之法必須軍士皆分熟食然後敢食王不先自食也服虔云以其半分軍士而後自食其餘苦簞醪注流也杜以分王半食不得徧及軍人且所嘗珍異乃得卒乘與焉王所自食不得分軍士也故顯而異之分猶徧也待徧熟食王乃自食也其所嘗者卒乘與焉注所嘗甘珍非常食音

義卒子忽反乘繩證反與音預

勤恤其民而與之逸勞是以民不

罷勞死知不曠注知身死不見曠棄音義

罷音皮

吾先

大夫子常易之所以敗我也注易猶反也今聞夫差

次有臺榭陂池焉注積土為高曰臺有木曰榭過再

宿曰次音義

陂彼宜反

疏

注正義曰釋宮云閣謂之臺郭璞云積土四方也又云有木者

謂之榭李巡云臺上有屋謂之榭又曰無室曰榭四方而高曰臺莊三年傳例曰凡師一宿為舍再宿為信過信為次孔安國尚書傳云澤郭曰陂停水曰池言夫差所停三日則役民為此也

宿有妃

嬙嬪御焉注妃嬙貴者嬪御賤者皆內官音義

嬙本又作

牆或作牆在羊反嬪毗人反

疏

注正義曰曲禮云天子之妃曰后則妃上下通名也釋詁云妃合會

對也妃嬪也是匹對於夫婦官之最貴者也嬙在妃
下次於妃也周禮有九嬙女御以有四名分為二等
故言妃嬙貴者嬙御賤者皆婦官之名周禮無
嬙蓋後世為之名漢有掖庭王嬙是因於古也一日

之行所欲必成玩好必從珍異是聚觀樂是務視民
如讎而用之日新夫先自敗也已安能敗我注為二

十二年越滅吳起本音義

好呼報反夫先自敗也已
夫音扶本或作夫差先自

敗者
非

○冬十一月晉趙鞅伐朝歌注討范中行氏

經二年春王二月季孫斯叔孫州仇仲孫何忌帥師伐
邾取鄆東田及沂西田注邾人以賂取之易也音義

邾
火

號反音郭沂魚
依反易以豉反

癸巳叔孫州仇仲孫何忌及邾子盟于

句繹注句繹邾地取邑盟以要之音義

句古侯反繹音亦要以適反

疏

注正義曰既取其田盧後悔競故共盟以要之伐則三卿盟唯二卿者服虔云季孫尊卿敵服先歸使二

子與之盟穀梁傳曰三人伐而二人盟何各盟其得也其意言季孫不得田故不與盟也案十四年小邾射以句繹來奔則句繹小邾地也注言邾地者以傳云伐邾邾人愛其土賂以郭沂之田而受盟被伐受盟則盟在邾地猶若成二年楚人伐我師于蜀公及楚公子嬰齊盟于蜀之類是也邾與小邾國竟相近句繹所屬亦無定準猶齊魯汶陽之田莒魯爭鄆之事一彼一此豈有常乎而劉炫以句繹為小邾地而規杜非也

夏四月丙子衛侯元卒注定四年盟臯鼫疏

注正義曰元以昭八

年即位三十二年大夫盟于狄
泉以未告公而公薨故不數

滕子來朝注無傳

晉趙鞅帥師納衛世子蒯瞶于戚疏

正義曰世子者父在之名蒯瞶父既

死矣而稱世子者晉人納之以世子告言是正世子以示宜為君也春秋以其本是世子未得衛國無可褒貶故因而書世子耳

秋八月甲戌晉趙鞅帥師及鄭罕達帥師戰于鐵鄭師敗績注皆陳曰戰大崩曰敗績鐵在戚城南罕達子皮

孫音義

鐵天結反
陳直覲反

冬十月葬衛靈公注無傳七月而葬緩

十有一月蔡遷于州來注畏楚而請遷故以自遷為文

蔡殺其大夫公子駟注懷土而欺大國故罪而書名

傳二年春伐邾將伐絞注絞邾邑音義絞古邾人愛

其土故賂以鄆沂之田而受盟○初衛侯遊于郊子

南僕注子南靈公子鄆也僕御也音義鄆以井反公曰余

無子將立女注蒯瞶奔無大子音義女音汝不對他日

又謂之對曰鄆不足以辱社稷君其改圖君夫人在

堂三揖在下注三揖卿大夫士音義

揖一入反疏注正義曰周禮

司士云孤卿特揖大夫以其等旅揖士旁三揖鄭玄云特揖一一揖之旅衆也大夫爵同者衆揖之三揖者士有上中下鄭衆云卿大夫士皆君之所揖禮春秋傳所謂三揖在下服虔云三揖卿大夫士士揖庶姓時揖異姓天揖同姓君命祇辱注言立適當以禮與内外同

之今君私命事必不從適為辱音義

祇音支適丁歷反下適孫同

夏衛靈公卒夫人曰命公子郢為太子君命也對曰

郢異於他子注言用意不同且君沒於吾手若有之

郢必聞之注言當以臨沒為正且亡人之子輒在注

輒蒯賁之子出公也靈公適孫乃立輒六月乙酉晉

趙鞅納衛太子于戚宵迷陽虎曰右河而南必至焉

注是時河北流過元城界戚在河外晉軍已渡河故

欲出河右而南疏

注正義曰土地名云河經河內之南界東北經汲郡魏郡頓丘陽平

平原樂陵之東南入海是言晉時河所經也春秋之時河未必然故云是時河北流過元城界與晉時河道異也土地名又云戚頓丘衛縣西戚城在枯河東是春秋時戚在河東也從晉而言河西為內東為外故云戚在河外也是時晉軍已渡河矣師人皆迷不知戚處陽虎憶其渡處在戚之北河既北流據水所向則東為右故欲使太子纔注纔者始發喪之服音出河右而南行也

義

統音問
喪音桑

疏

注正義曰士喪禮既小斂主人括髮袒衆主人免于房鄭玄云括髮者去并纓

而紒也衆主人免者齊衰將袒以免代冠冠服之尤尊不以袒也又奔喪之禮至於家人門哭盡哀括髮袒自齊衰以下入門哭盡哀免麻于序東如彼禮文則主人當括髮齊衰以下乃免此大子統者禮不至喪所不括髮故以統代之耳靈公以四月卒令以六月而大子統故云統始發喪之服也遠近不臨喪者不得括髮故始發喪服統也鄭玄注士喪禮云免之制未聞舊說以為如冠狀廣一寸喪服小記曰斬衰括髮以麻免而以布此用麻布為之狀如令之著慘頭矣自項中而前交於額上卻統紒也

衰經偽自衛逆者注欲為衛人逆故衰經成服音義

衰七雷反
經田結反

告於門哭而入遂居之○秋八月齊人輸

范氏粟鄭子姚子般送之注子姚罕達子般駟弘音

義

班般音

士吉射逆之趙鞅禦之過於戚陽虎曰吾車

少以兵車之旆與罕駟兵車先陳注旆先驅車也以

先驅車益其兵車以示衆音義

陳直觀反下注同

罕駟自後

隨而從之彼見吾貌必有懼心注晉人先陳鄭人隨

之不知其虛實見車多必懼於是乎會之注會合戰

必大敗之從之卜戰龜焦注兆不成樂丁曰詩曰爰

始爰謀爰契我龜注樂丁晉大夫詩大雅言先人事

後卜筮音義

契苦計反又苦結反

疏

正義曰詩大雅綿之篇美大王遷岐之事爰於也既

見周原之地肥美可居於是始集幽人從已者於是與謀議人謀既從於是契灼我龜而卜之言先人謀

後卜筮也

謀協以故兆詢可也注詢諮詢也故兆始納衛

大子卜得吉兆言今既謀同可不須更卜音義

謀協以故

兆絕句詢可也思道反

簡子誓曰范氏中行氏反易天明注不

事君也

疏

正義曰天有尊卑人有上下下事上臣事君法則天之明道臣不事君是反易天之

明道也

斬艾百姓欲擅晉國而滅其君寡君恃鄭而保

焉今鄭為不道棄君助臣二三子順天明從君命經

德義除詬耻在此行也克敵者上大夫受縣下大夫

受郡注周書作雒篇千里百縣縣有四郡音義

艾魚廢反

雒中戰反而滅其君滅或作戕音殘詬呼豆反又音苟雒音洛千里百縣縣方百里縣有四郡郡方五十

里

疏正義曰此經德義與傳經國家詩序經夫婦皆意同也經謂經紀營理之不除君惡則德義廢

矣宜經紀德義使不壞也上大夫下大夫謂於大夫之內分為上下其上大夫非卿也此言先無田祿者若能克敵得此賞也注正義曰周禮小司徒云九夫為井四井為邑四邑為丘四丘為甸四甸為縣四縣為都鄭玄云邑方二里丘方四里甸方八里旁加一里則方十里為一成縣方二十里都方四十里四都方八十里旁加十里乃得方百里為一同也如彼文則縣方二十里耳周禮又無郡不可用以解此故引

周書解之或曰周書者孔子刪尚書之餘今案其存者其文非尚書之類其作雒篇有此言方千里者為方百里者百十里百縣則縣方百里計成方十里出車一乘縣方百里則出車百乘也昭五年傳云晉有四十縣遺守四千乘是縣別有百乘與作雒之言合也上大夫受縣縣則為百乘之家言得進為卿也縣有四郡則郡方五十里下大

士田十萬注十萬畝也

疏注正義曰王制云方一里者為田九百畝方十里者為方一里者百為田九萬畝則士田十萬為方

十里餘庶人工商遂注得遂進仕人臣隸圉免注去廝

役音義

廝役如字字又作斯音同何休注公羊云艾草為防者曰廝汲水漿者曰役蘇林注漢書

云廝取薪者韋昭云析薪曰廝

志父無罪君實圖之注志父趙簡子

之改名也言已事濟君當圖其賞音義

志父音甫服云趙鞅入晉

陽以畔後得歸改名志父春秋仍舊猶書趙鞅

疏

注正義曰牧誓武王誓衆尚自稱名况以人臣誓衆

國當自稱名矣知志父是簡子名也簡子名鞅又名志父者服虔云趙鞅入于晉陽以叛諸侯之策書曰

晉趙鞅以叛既復更名志父或當然也楚公子圍弑

君以國改名曰虔經即書虔公子棄疾弑君取國改

名曰居經即書居今趙鞅改名志父經書猶云趙鞅

者故楚子既為國君臣下以所改之名告於鄰國故

得書所改之名趙鞅人臣國家不為之諱仍以趙鞅

名告故書鞅也鞅言君實圖之言已事濟君當謀其

賞也簡子言此君當謀其實者言君當賞其在下

則上所誓之言欲使在下信之非欲自求賞也

其有罪絞縊以戮注絞所以縊人物音義

縊一賜反戮音六

桐棺三寸不設屬辟注屬辟棺之重數王棺四重君

再重大夫一重音義

桐棺三寸禮記云夫子制於中都四寸之棺五寸之槨以斯知

不欲速朽也鄭康成注云此庶人之制也案禮上大夫棺八寸屬六寸下大夫棺六寸屬四寸無三寸棺制也棺用難朽之木桐木易壞不堪為棺故以為罰墨子尚儉有桐棺三寸不設屬音燭注同次大棺也辟步歷反注同親身棺也禮大夫無辟重直龍反下同王棺四重禮記云水兕革棺被之其厚三寸槨棺一梓棺二槨棺辟也梓棺二屬與大棺也被水牛及兕之革為一重辟為二重屬為三重大棺為四重君再重君謂侯伯子男侯伯以下無革棺屬與辟為一重大棺為再重上公則唯無水草耳兕革與辟為一重屬為再重大棺為三重大夫一重大夫唯屬與大棺為一重今云不設辟者時僭耳非正禮也

疏

注正義曰禮喪大記云君大棺八寸屬六寸梓四寸
上大夫大棺八寸屬六寸下大夫大棺六寸屬四寸
是屬辟為棺之重數也大記之文從外向內大棺之
內有屬屬之內有梓梓親身之棺鄭玄云梓堅著之
愈也如記文大夫無梓今簡子自言有罪始不設辟
者鄭玄云趙簡子云不設屬辟時僭也為時僭日久
自言無罪則僭設有罪乃不設耳記言士棺六寸檀
弓又云夫子為中都宰制四寸之棺五寸之槨鄭玄
云為民作制民猶四寸簡子言三寸者亦示其罰之
重令制度卑於民也記有柩棺梓棺柩謂槨也不以
桐為棺簡子言桐棺者鄭玄云凡棺用能溼之物梓
槨能溼故禮法尚之桐易腐壞亦以桐為罰也檀弓
又云天子之棺四重鄭玄云尚深遠也諸公三重諸
侯再重大夫一重士不重又云水兕革棺被之其厚
三寸柩棺一梓棺二四者皆周鄭玄云以水牛兕牛
之革以為棺被革各厚三寸合六寸也此為一重柩

棺一所謂裨棺也梓棺二所謂屬與大棺也檀弓之
丈自內向外水牛之革一也兕牛之革二也二者相
襲乃得為重故以此二者為一重也又有裨也屬也
大棺也此是天子四重為數五棺為四重也喪大記
之文君有大棺也裨也屬也大夫有大棺也屬也鄭
玄注檀弓天子之棺四重以是差之上公革棺不被
三重也諸侯無革棺再重也大夫無裨一重也士無
屬不重也是上公數四棺為三重諸侯數三棺為再
重大夫數二棺為一重士以一棺為不重也杜之此
注惟無上公士耳其言重數與鄭同也若然禮器云
天子葬五重諸侯葬三重大夫葬再重以多為貴也
彼重亦當謂棺而其數皆較一者鄭玄云天子葬五
重者謂抗木與茵也葬者抗木在上茵在下然則茵
以藉棺抗為負土天子及諸侯大夫皆數彼以增棺
數故皆多較一也杜言此棺之
重數者以明不設屬辟為罰也

素車僕馬注以載柩

音義

樸普卜反

疏

正義曰素車無飾謂不以簪柳飾車也曲禮曰大夫去國為位而哭

乘髦馬鄭玄云髦馬不鬣落也則此樸馬亦謂不鬣落用此以載柩也雜記稱士喪有與天子同者三其

終夜燎及乘人專道而行然則柩皆人挽用此車馬載者禮言乘人設法許之耳道遠者當用牛馬且此

言亦為

罰也

無入于兆注兆葬域疏

正義曰周禮家人云凡死于兵者不入兆

域鄭玄云戰敗無勇投諸塋外以罰之此言不入兆域亦罰也

下卿之罰也注為衆

設賞自設罰所以能克敵音義

偽為反

甲戌將戰郵無

恤御簡子衛大子為右注郵無恤王良也音義

郵音尤

疏

注正義曰下云子良授綏是也服虔云王良也孟子說王良善御之事古者車駕四馬御之為難故

為六藝之一王良之善御最有名於書傳多稱之楚辭云當世豈無騏驎兮誠無王良之善御見執轡者非其人兮故駒跳而遠去登鐵上注鐵丘名望見鄭師衆大子懼

自投于車下子良授大子綏而乘之曰婦人也注言

其怯音義

怯去業反

疏

正義曰曲禮云凡僕人之禮必授人綏論語稱孔子上車必正立執

綏而升綏者挽以上車之索故授之使之升也少儀云僕者右帶劔負良綏中之面拖諸帑鄭玄云而前也帑覆苓也良綏君綏也負之由左肩上入右腋下申之於前覆苓上也簡子巡列曰畢

萬匹夫也七戰皆獲有馬百乘死於牖下注畢萬晉

獻公卿也皆獲有功死於牖下言得壽終音義

乘繩證反

牖羊疏

正義曰襄二十七年傳云唯卿備百邑注云一乘之邑也坊記云家富不過百乘百乘卿

之極制也檀弓云飯於牖下小斂於戶內大斂於阼賓於客位祖於庭葬於墓所以即遠也則禮之正法

死於牖下

羣子勉之死不在寇注言有命繁羽御趙羅宋

勇為右注

三子皆大夫羅無勇麋之注麋束縛也音

義

麋丘間反注同

史詰之御對曰疢作而伏注疢瘧疾也音

義

詰起吉反疢詩占反瘧魚略反

衛太子禱曰曾孫蒯聵敢昭告皇

祖文王注

周文王皇大也音義禱丁老反一音丁報反

烈祖康

叔注烈顯也文祖襄公注繼業守文故曰文祖蒯聵

襄公之孫疏

正義曰禮於曾祖以上皆稱曾孫此雖竝告三祖對文王康叔稱曾孫也晉語

說此事於襄公之下又有昭考靈公國語與傳異者多矣此下云無作三祖羞是無昭考也

鄭勝

亂從注勝鄭聲公名釋君助臣為從於亂晉午在難

注午晉定公名音義

難乃旦反下注為難同

不能治亂使鞅討

之注鞅簡子名蒯賁不敢自佚備持矛焉注戎右持

矛音義

佚音逸矛亡侯反

敢告無絕筋無折骨無面傷以集

大事無作三祖羞注集成也音義

筋居銀反

大命不敢請

佩玉不敢愛注不敢愛故以祈禱疏

正義曰上言無絕筋無折骨謂

軍之士衆無令傷損以成大事此云大命不敢請者謂己之身命不敢私請苟以求生佩玉不敢愛尚書金縢稱周公植璧秉珪以告大王王季文王是時請用玉也在軍無圭璧故以佩鄭人擊簡

子中肩斃于車中注斃路也音義

中肩丁仲反斃婢世反本亦作弊路

蒲北反

獲其蠶旗注蠶旗旗名音義

蠶芳恭反

大子救之以

戈鄭師北獲溫大夫趙羅注羅無勇故鄭師雖北猶

獲羅大子復伐之鄭師大敗獲齊粟千車趙孟喜曰

可矣注趙孟簡子也喜大子前怯今更勇音義

復扶又反

傅佻曰雖克鄭猶有知在憂未艾也注傅佻簡子屬

也言知氏將為難後竟有晉陽之患音義

使素口反又作婁有

知音智艾魚廢反又五蓋反

初周人與范氏田公孫龍稅焉注龍

范氏臣為范氏收周人所與田之稅音義

龍武江反稅始銳反

為子偽反下文為其注同

趙氏得而獻之注得龍以獻簡子吏請

殺之趙孟曰為其主也何罪正而與之田注還其所

稅及鐵之戰以徒五百人宵攻鄭師取蠶旗於子姚

之幕下獻曰請報主德追鄭師姚般公孫林殿而射

前列多死注晉前列音義

幕音莫姚般子姚子般殿丁電反射食亦反

趙

孟曰國無小注言雖小國猶有善射者既戰簡子曰

吾伏弋嘔血注弋衣嘔吐也音義

弋吐刀反嘔本又作咎烏口反

吐他露反鼓音不衰今日我上也注我功為上大子曰吾

救主於車退敵於下我右之上也郵良曰我兩靽將

絕吾能止之注止使不絕音義

靽以刀反

我御之上也駕

而乘材兩靽皆絕注材橫木明細小也傳言簡子不

讓下自伐疏

正義曰古之駕四馬者服馬夾轅其頸負軛兩騂在旁挽靽助之詩所謂陰靽

蓋績是也說文云靽引軸也僖二十八年注云在胃曰靽然則此皮約馬胃而引車軸也兩靽將絕而能

制焉言其御之和也駕而乘材材謂橫地細小之木也乘小木而鞫絕示其將絕之驗也

○吳洩

庸如蔡納聘而稍納師師畢入衆知之注元年蔡請

遷于吳中悔故因聘襲之音義

洩息列反一音息引反未詳中丁仲反

蔡侯告大夫殺公子駟以說注殺駟以說吳言不時

遷駟之為哭而遷墓注將遷與先君辭故哭冬蔡遷

于州來

經三年春齊國夏衛石曼姑帥師圍戚注曼姑為子圉父知其不義故推齊使為兵首戚不稱衛非叛人音義

曼音萬為

疏

注正義曰春秋行兵征伐自非霸主之命

于偽反

意引齊使之助己計應曼姑為首而序在齊下者曼姑為子圉父知其不義推齊使為兵首故先書齊也穀梁傳曰此衛事也其先國夏何也子圉父也是先儒及杜皆同穀梁之說也宋魚石去而復入據宋之彭城襄元年經書圍宋彭城傳曰非宋地追書也於是為宋討魚石故稱宋且不登叛人也此蒯瞶在戚齊衛國之與圍宋彭城事類同矣彭城稱宋此不稱衛者蒯瞶據戚與報爭國非是叛人故不須繫之衛也公羊傳曰齊國夏曷為與衛石曼姑帥師圍戚伯討也此其為伯討奈何曼姑受命乎靈公而立報以曼姑之義為固可以距之也報者曷為者也蒯瞶之子也然則曷為不立蒯瞶而立報蒯瞶為無道靈公逐蒯瞶而立報然則報之義可以立乎曰可其可奈何不以父命辭王父命以王父命辭父命是父之行乎子也不以家事辭王事以王事辭

家事是上之行乎下也其意言靈公廢蒯聵不用使之得國輒不以國與蒯聵是靈公之命行於蒯聵也立為國君是王事也以國與父是私事也不以國與父是天子之命行於諸侯也如公羊之言則輒義可以距父國戚不為不義而杜言曼姑如其不義則輒不合距父意與公羊異者據左傳公子郕讓國不受然後立輒然則輒之立也以周禮無適子則立適孫緣是以得立耳非有靈公之命使立之也為輒之義自可讓而不受以己是適孫緣有可立之勢貪國以距父耳非有靈公之命天子之勅使之距蒯聵也論語說此事云冉有曰夫子為衛君乎子貢曰諾吾將問之入曰伯夷叔齊何人也曰古之賢人也曰怨乎曰求仁而得仁又何怨乎出曰夫子不為也孔子意不助輒明是輒為不義故曼姑自知不義拒齊為主

夏四月甲午地震注無傳

五月辛卯桓宮僖宮災注天火曰災

季孫斯叔孫州仇帥師城啓陽注無傳魯黨范氏故懼

晉比年四城啓陽今琅邪開陽縣

宋樂髡帥師伐曹注無傳音義

髡苦孫反

秋七月丙子季孫斯卒

蔡人放其大夫公孫獵于吳注無傳公子駟之黨

冬十月癸卯秦伯卒注無傳不書名未同盟

叔孫州仇仲孫何忌帥師圍邾注無傳

傳三年春齊衛圍戚求援于中山注中山鮮虞○夏

五月辛卯司鐸火注司鐸官名音義

鐸待疏注正義洛反曰僖二

十年西宮災書之此不書者西宮公之西宮親近偏君忽被天火故重而書之此司鐸雖是公小宮在公宮之後非君來往之急又是人火所以輕而不書或可舉廟重以略之火踰公宮桓僖

災注桓公僖公廟疏

正義曰傳言火而經書災者司鐸初被人火火越宮而至廟以

火踰宮故以災言之救火者皆曰顧府注言常人愛財南宮敬

叔至命周人出御書侯於宮注敬叔孔子弟子南宮

閱周人司周書典籍之官御書進於君者也使待命

於宮音義

閱音悅

曰庀女而不在死注庀具也音義

庀匹

婢反女音汝

子服景伯至命宰人出禮書注景伯子服何

也宰人家宰之屬以待命命不共有常刑注待求之

命音義

共音恭

校人乘馬巾車脂轄注校人掌馬巾車

掌車乘馬使四四相從為駕之易音義

校戶教反注及下同乘繩

證反注及下皆同轄戶轄反本又作轄同為于偽反易以鼓反

百官官備府庫慎守

官人肅給注國有火災恐有變難故慎為備音義

難乃

旦反濟濡帷幕鬱攸從之注鬱攸火氣也濡物於水出

用為濟音義

濟子細反又子禮反注同
惟位悲反幕音莫彼音由

蒙葦公屋注

以濡物冒覆公屋音義

葦七入反一
音子入反

自大廟始外內

以悛注悛次也先尊後卑以次救之音義

悛大
全反

助所

不給有不用命則有常刑無赦公父文伯至命校人

駕乘車注來車公車季桓子至御公立于象魏之外

注象魏門闕命救火者傷人則止財可為也命藏象

魏注周禮正月縣教令之法于象魏使萬民觀之故

謂其書為象魏音義

縣音
玄

疏

注正義曰周禮大宰云
正月之吉始和布治于

邦國都鄙乃縣治象之法于象魏使萬民觀治象決
日而斂之鄭玄云正月周之正月吉謂朔日大宰以
正月朔日布王治之事於天下至正歲又書而縣于
象魏使萬民觀焉凡治有故言始和者若改造云爾
鄭衆云從申至癸謂之浹日凡十日其地官夏官秋
官皆有此言地官云布教縣教象夏官云布政縣政
象秋官云布刑縣刑象各縣所掌之事為異其文悉
同唯春官不縣者以禮法一頒百事皆足不可又縣
故不縣之杜總彼意言縣教令之法彼所縣者皆是
教令之事故也由其縣于象魏故謂其書為象魏命
藏其書也被言朔日縣之十日即斂之則救火之時
其書久已藏矣而此立象魏之外方始命藏此書者
衆魏是縣書之處見其處而念
及其書非始就縣處斂藏之
曰舊章不可亡也富

父槐至曰無備而官辦者猶拾潘也注槐富父終生

之後潘汁也言不備而責辦不可得音義

父音甫槐音懷官辦

辦具之辦注竝同拾音十於是乎去表之彙注表表

潘尺審反北土呼汁為潘

於是乎去表之彙注表表

火道風所向者去其彙積音義

去起呂反注同彙古老反注同向許亮反

積子道還公宮注開除道周匝公宮使火無相連音

賜反

義還本又作環戶關反又音患注同

孔子在陳聞火曰其桓僖乎注

言桓僖親盡而廟不毀宜為天所災疏

注正義曰禮諸侯親廟四

馬高祖之父即當毀其廟計桓之於哀八世祖也僖六世祖也親盡而廟不毀言其宜為天所災也所以不毀者服虔云季氏出桓公又為僖公所立故不毀其廟其意或然公羊傳曰此皆毀廟也其言災何復

立也曷為不言其復立春秋見者不復見也何以不言及敵也其意言哀公更立之不可通於左氏故以為元不毀耳服虔又云俱在迭毀故不言及杜無說或當同時災無先後故不言及○劉氏范

氏世為婚姻注劉氏周卿士范氏晉大夫萇弘事劉文公注為之屬大夫故周與范氏趙鞅以為討注責

周與范氏六月癸卯周人殺萇弘注終違天之禍疏

正義曰文公以定四年卒也為之屬大夫謂當昭公之世也此時文公已卒萇弘知政以已先事劉子劉氏又與范氏親至握國權遂與范氏故周人殺之以說於晉○秋季孫有疾命正

常曰無死注正常桓子之寵臣欲付以後事故敕令

勿從已死音義

令力呈反

南孺子之子男也則以告而立

之注南孺子季桓子之妻言若生男告公而立之音

義

孺如住反

女也則肥也可注肥康子也季孫卒康子即

位既葬康子在朝注在公朝也南氏生男正常載以

如朝告曰夫子有遺言命其圉臣曰南氏生男則以

告於君與大夫而立之今生矣男也敢告遂奔衛康

子請退注退辟位也公使共劉視之注共劉魯大夫

音義

共音恭

則或殺之矣乃討之注討殺者召正常正

常不反注畏康子也傳備言季氏家事疏

正義曰服虔云召而

問兒死意然則兒於正常去後始死死非正常得知召之復何所問也當欲問不立康子之意故正常畏

康子不反

○冬十月晉趙鞅圍朝歌師于其南注范中行

所在荀寅伐其郭注伐其北郭圍音義

郭芳夫反

使其徒

自北門入已犯師而出注荀寅使在外救已之徒擊

趙氏圍之北門因外內攻得出疏

正義曰荀寅從內伐其北郭之郭又

使其救已之徒自外伐圍郭之北門而入因外內攻故得出也

癸丑奔邯鄲十一月

趙鞅殺士臯夷惡范氏也注惡范氏而殺其族言遷

怒音義

惡鳥路反注同

經四年春王二月庚戌盜殺蔡侯申注賤者故稱盜不

言弑其君賤盜也音義

盜殺申志反蔡侯申今本皆如此案宣十七年蔡侯申卒是文

侯也今昭侯是其玄孫不容疏正義曰宣十七年蔡侯

與高祖同名未詳何者誤也疏正義曰宣十七年蔡侯

云文侯申生景侯國固生靈侯般般生隱太子今昭侯

申是隱太子之子杜世族譜亦然計昭侯是文侯玄孫

乃與高祖同名周人以諱事神二申必有誤者俱是經

文未知孰誤注正義曰公孫辰公孫姓公孫霍雖並是

弑君之黨而非弑君之首首是公孫翺翺賤故稱盜不

言弑其君者賤此盜也盜賤不得有其君故以盜為文

不得言弑其君蔡公孫辰出奔吳注弑君賊之黨故書名

弑其君蔡公孫辰出奔吳注弑君賊之黨故書名

葬秦惠公注無傳

宋人執小邾子注無傳邾子無道於其民故稱人以執

夏蔡殺其大夫公孫姓公孫霍注皆弑君黨音義

姓音生又

作生或一音性

晉人執戎蠻子赤歸于楚注晉恥為楚執諸侯故稱人

以告若蠻子不道於其民也赤本屬楚故言歸音義

恥為

于偽反

城西郭注無傳魯西郭備晉也

六月辛丑亳社災注無傳天火也亳社殷社諸侯有之

所以戒亡國音義

亳步洛反疏

注正義曰傳例曰天火曰災知天火也殷有天下作都于

亳故知亳社殷社也蓋武王伐紂以其社班賜諸侯使各各立之所以戒亡國也其社有屋故火得焚之公羊傳曰蒲社者何亡國之社也社者封也其言災何亡國之社蓋揜之揜其上而柴其下穀梁傳曰亳社者亳之社也亳亡國也亡國之社以為廟屏戒也其屋亡國之社不得達上也說者以為立亳社於廟門之外以為屏蔽使人君視之而致戒也左傳稱間于兩社事當為然郊特牲亦云喪國之社屋之不受天陽故災其屋也

秋八月甲寅滕子結卒注無傳同盟於臯鼫

冬十有二月葬蔡昭公注無傳亂故是以緩

葬滕頃公注無傳

傳四年春蔡昭侯將如吳諸大夫恐其又遷也承注

承音懲蓋楚言音義

懲直升反疏

注正義曰懲創往年之遷恐其更復遷徙承懲

音相近蓋是楚人之言聲轉而字異耳

公孫翩逐而射之入於家人而

卒注翩蔡大夫音義

翩音篇射食亦反下同

疏

正義曰言將如吳已適吳矣翩

在路逐而殺之遂入于凡人之家言此者說其非理之意

以兩矢門之衆莫敢進

注翩以矢自守其門文之錯後至注錯蔡大夫音義

錯音措又音皆又客駭反

曰如牆而進多而殺二人注併行如牆

俱進音義

併步頂反

錯執弓而先翩射之中肘錯遂殺之

故逐公孫辰而殺公孫姓公孫盱注盱即霍也音義

中丁仲反盱竹九反盱况于反

○夏楚人既克夷虎注夷虎蠻夷叛

楚者乃謀北方左司馬販申公壽餘葉公諸梁致蔡

於負函注三子楚大夫也此蔡之故地人民楚因以

為邑致之者會其衆也音義

販普版反字林匹茲反葉始涉反函音咸

致

方城之外於繒關注負函繒關皆楚地音義

繒才陵反曰

吳將泝江入郢注逆流曰泝音義

泝音素郢以井反又以歧反

將

奔命焉為一昔之期襲梁及霍注偽辭當備吳夜結

期明日便襲梁霍使不知之梁河南梁縣西南故城

也梁南有霍陽山皆蠻子之邑也單浮餘園蠻氏蠻

氏潰注浮餘楚大夫音義

單音善潰
戶內反

蠻子赤奔晉陰

地注陰地河南山北自上雒以東至陸渾音義

渾戶
門反

司馬起豐析與狄戎注楚司馬販也析縣屬南鄉郡

析南有豐鄉皆楚邑發此二邑人及戎狄音義

析生
歷反

注以臨上雒左師軍于菟和注菟和山在上雒東也

音義

徒苑音

右師軍于倉野注倉野在上雒縣使謂陰

地之命大夫士蔑注命大夫別縣監尹音義

監古疏街反

注正義曰陰地者河南山北東西橫長其間非一邑也若是典邑大夫則當以邑冠之乃言陰地之命大夫則是特命大夫使總監陰地故以為別縣監尹也以其去國遙遠別為置監楚官稱尹故以尹言之

曰晉楚有盟好惡同之若將不廢寡君之願也不然

將通於少習以聽命注少習商縣武關也將大開武

關道以伐晉音義

少詩照反又如字

士蔑請諸趙孟趙孟曰

晉國未寧安能惡於楚必速與之注未寧時有范中

行之難音義

難乃旦反

士茂乃致九州之戎注九州戎在

晉陰地陸渾者將裂田以與蠻子而城之注以詐蠻

子且將為之卜注卜城音義

為于偽反下注同

蠻子聽卜遂

執之與其五大夫以畀楚師于三戶注今丹水縣北

三戶亭音義

畀必利反與也

司馬致邑立宗焉以誘其遺民

注楚復詐為蠻子作邑立其宗主音義

復扶又反

而盡俘

以歸○秋七月齊陳乞弦施衛甯跪救范氏注陳乞

僖子弦施弦多音義

跪其委反

庚午圍五鹿注五鹿晉邑

九月趙鞅圍邯鄲冬十一月邯鄲降荀寅奔鮮虞趙

稷奔臨注臨音邑音義

降戶江反

十二月弦施逆之遂墮

臨音義

墮許現反

疏

正義曰稷初奔臨欲據臨距國今弦施逆稷欲納之他邑以臨險固故毀

之國夏伐晉取邢任樂逆時陰人孟壺口注八邑晉

地樂在趙國平棘縣西北鄙即高邑縣也路縣東有

壺口關音義

邢音刑任音壬樂力官反鄙呼洛反郭璞三蒼解詁音隴字林火沃反韋昭呼

告反關駟云讀曉確同時音止孟音于

會鮮虞納荀寅于柏人注晉邑

也今趙國柏人縣也弦施與鮮虞會也

經五年春城毗注無傳備晉也音義

毗頻夷反

夏齊侯伐宋注無傳

晉趙鞅帥師伐衛

秋九月癸酉齊侯杵臼卒注再同盟也音義

杵昌呂反
臼求又反

疏注正義曰襄二十五年崔杼弑莊公而立杵臼昭二

十六年盟于鄆陵定四年于臯鼫是再同盟也昭三

十二年大夫盟于狄泉未
告公而公薨故不數也

冬叔還如齊

閏月葬齊景公注無傳

傳五年春晉圍柏人荀寅士吉射奔齊初范氏之臣

王生惡張柳朔言諸昭子使為柏人注為柏人宰也

昭子范吉射也音義

急烏路反下同柳良久反

昭子曰夫非而讎

乎對曰私讎不及公注公家之事也音義

扶夫音

好不

廢過惡不去善義之經也臣敢違之及范氏出注出

柏人奔齊音義

好呼報反去起呂反

張柳朔謂其子爾從主勉

之我將止死王生授我矣注授我死節吾不可以僭

之遂死於柏人注為吉射距晉戰死音義

僭子念反後同為子

偽反

○夏趙鞅伐衛范氏之故也遂圍中牟注衛助范

氏故也○齊燕姬生子不成而死注燕姬景公夫人

不成未冠也音義

燕於賢反 冠古喚反

諸子嚮似之子茶嬖注

諸子庶公子也嚮似景公妾茶安孺子音義

嚮音育 似音似

茶音舒又音徒又 文加反嬖必計反

諸大夫恐其為太子也言於公曰

君之齒長矣未有太子若之何公曰二三子閒於憂

虞則有疾疾亦姑謀樂何憂於無君注景公意欲立

茶而未發故以此言塞大夫請音義

長丁文反閒音 閒又音間廁之

間又如字疾勅覲反本疏正義曰公謂羣臣云若間

或作疹乃結反樂音洛暇於憂虞謂國無憂虞事

得閒暇則恐有疾疾不得歡樂今既無公疾使國惠

憂虞又無疾疾亦且謀樂何憂乎無君子高昭子立荼注惠子國夏昭子高張寘羣公子於

萊注萊齊東鄙邑音義實之歧反羣或秋齊景公卒

冬十月公子嘉公子駒公子黔奔衛公子鉏公子陽

生來奔注皆景公子在萊者音義點巨廉反又音萊

人歌之曰景公死乎不與埋三軍之事乎不與謀師

乎師乎何黨之乎注師衆也黨所也之往也稱諡蓋

葬後而為此歌哀羣公子失所音義

與音預下同
理亡皆反

疏

注正義曰師衆之往釋詁文也周禮五百家為黨言其共居一所故以黨為名是黨為所也經書閏月葬齊景公長歷閏十一月禮葬乃有諡此歌稱諡明是葬後傳言冬十月者記公子出奔之月其萊人之歌在公子出奔之後杜以文承十月之下故云蓋耳公羊以為喪以閏數謂通數閏月穀梁云不正其閏也謂喪事不數左氏無傳未知所從

○鄭駟秦富而侈嬖大夫而常陳

卿之車服於其庭鄭人惡而殺之子思曰詩云不解

于位民之攸暨注子思子產子國參也詩大雅攸所

也暨息也音義

侈昌氏反又尺氏反惡烏路反解佳賣反暨音許器反

疏

正義曰詩

大雅嘉樂之篇也言在上者不解情于其位民之所以得安息駟秦棄位僭上是情于位也

不守

其位而能久者鮮矣商頌曰不僭不濫不敢怠皇命

以多福注僭差也濫濫也皇暇也言駟秦違詩商頌

故受禍音義

鮮息淺反濫力暫反濫音逸

疏

正義曰商頌殷武之篇歌成湯之德不僭

差不濫濫不敢怠情而自暇以此之故上天命以多福也詩於怠皇之下更云命于下因封建厥福傳言命以多福不復具引詩文取其意而言之也杜云違詩商頌上言詩下言頌以駟秦於此二詩皆違故言違詩與商頌

春秋左傳注疏卷五十七

春秋左氏傳注疏卷五十七考證

楚子陳侯隨侯許男圍蔡疏則是楚封元公為許男也

○元公監本訛作近公今改正

傳邑諸綸○

臣召南

按後漢郡國志梁國虞有綸城少

康邑

傳能布其德而兆其謀以收夏衆撫其官職○金履祥
曰夏衆即帝丘二斟之遺民靡收二國之燼亦其助
也官職夏之士大夫播遷者若遺臣靡之類是也

傳而越大於少康○

臣召南

按伍員所以引夏少康之

事者以越為少康之後也會稽之甲循五千大于一
成一旅多矣

傳取棘蒲○

臣召南

按杜氏不注棘蒲所在漢功臣陳

武封棘蒲侯注家亦不知所在也

蔡遷于州來○

臣召南

按州來即漢之下蔡縣也地理

志云沛郡下蔡故州來國為楚所滅後吳取之至夫
差遷昭侯於此後四世侯齊竟為楚所滅

傳克敵者上大夫受縣下大夫受郡注千里百縣縣有四郡○千監本訛作十今改正

又疏縣有四郡則郡方五十里○

臣召南

按古者縣

大郡小以縣統郡此文是也至戰國以後乃更以郡統縣杜佑通典曰春秋時縣大郡小至戰國則郡大而縣小故甘茂曰宜陽大縣其實郡也

傳下卿之罰也○

臣召南

按此役簡子將兵必已為上

卿故其自誓以下卿之罰

傳孔子在陳聞火曰其桓僖乎○臣召南按漢書五行

志曰董仲舒劉向以為此二宮不當立違禮者也桓

季氏之所出僖使季氏世卿者也是服虔所本以為

說也

傳趙鞅以為討○臣照按長弘王室大夫有志于強王

室即右范氏趙鞅焉得而討之周人殺長弘以說于

晉不競甚矣而其時君子以長弘為自取謂為違天

大義之不明如此然三年化碧忠血猶存使後世莫

不知其為忠則春秋之教也使後世知長弘之事云
何時人之論長弘云何則左氏之功也後儒每以其
時繆悠之論屬之邱明不知邱明紀事者也非斷事
者也

傳趙鞅殺士卑夷惡范氏也○臣召南按卑夷即知韓

魏所欲以代范氏者也使知蹠猶在鞅必不敢殺卑
夷傳于定哀間記事甚略是以知蹠之卒知瑤之代
皆無明文

宋人執小邾子注邾子無道于其民○推尋文義應作小邾子無道于其民各本俱脫一小字

傳為一昔之期○昔監本訛作備今改正

傳使謂陰地之命大夫士蔑注命大夫別縣監尹○臣

召南

按注不過言蔑以命大夫監治陰地耳非從楚

之官名為尹也尚書立政曰三亳阪尹此監尹之說也孔疏楚官稱尹故以尹言之謬矣晉大夫肯從楚官名乎

傳諸子鬻似之子荼嬖○史記齊世家作寵妾芮姬生
子荼

春秋左氏傳注疏卷五十七考證

春秋左傳注疏卷五十八

起哀公六年
盡十一年

晉杜氏注

唐陸德明音義

孔穎達疏

經六年春城邾瑕注無傳備晉也任城亢父縣北有邾

婁城音義

瑕音遐任音壬亢苦
浪反又音剛父音甫

晉趙鞅帥師伐鮮虞

吳伐陳

夏齊國夏及高張來奔注二子阿君廢長立少既受命

又不能全書名罪之也音義

長丁文反
少詩照反

叔還會吳于柎注無傳音義

祖莊加反

秋七月庚寅楚子軫卒注未同盟而赴以名音義

軫之忍反

史記作珍

齊陽生入于齊注為陳乞所逆故書入疏

注正義曰成十八年傳例

曰凡去國國逆而立之曰入此為陳乞私逆既入而立之故依例書入也

齊陳乞弑其君荼

注弑荼者朱毛與陽生也而書陳乞所以明乞立陽生

而荼見弑則禍由乞始也楚比劫立陳乞流涕子家憚

老皆疑於免罪故春秋明而書之以為弑主音義

弑茶音試

下皆同

疏

注正義曰實非陳乞弑茶而書乞弑其君者以茶死由乞故書乞弑也此與楚公子比鄭公子

歸生俱非弑君之首春秋顯而書之以為弑君之主所以惡此三人釋例曰諸懷賊亂以為心者固不容於誅也若鄭之歸生齊之陳乞楚公子比雖本無其心春秋之義亦同大罪是以君子慎所以立也是說罪之之意

冬仲孫何忌帥師伐邾注無傳

宋向巢帥師伐曹注無傳

傳六年春晉伐鮮虞治范氏之亂也注四年鮮虞納

荀寅于柏人○吳伐陳復脩舊怨也注元年未得志

故也音義

復扶又反

楚子曰吾先君與陳有盟不可以不

救乃救陳師于城父注陳盟在昭十三年音義

父音甫

疏

注正義曰昭十三年無楚與陳盟之事於時楚既滅蔡使棄疾為蔡公子干子皙之入也傳稱朝吳

奉蔡公召二子而盟于鄧依陳蔡人以國是與陳人盟更許復其國其年平王即位更封陳是與盟也

○齊陳乞偽事高國者注高張國夏受命立荼陳乞

欲害之故先偽事焉每朝必駢乘焉所從必言諸大

夫注言其罪過音義

乘繩證反

曰彼皆偃蹇將棄子之命

注偃蹇驕敖音義

偃約免反蹇紀晚反敖五報反

皆曰高國得君注

得君寵也必偏我盡去諸固將謀子子早圖之圖之

莫如盡滅之需事之下也注需疑也音義

偏音逼盡戶臘反去

起呂反下同需音須一音懦懦弱持疑也

疏正義曰需是懦弱之意懦弱持疑不能決斷是為事之下

者勸其決斷而盡殺之

及朝則曰彼虎狼也見我在子之側殺

我無日矣請就之位注欲與諸大夫謀高國故求就

之又謂諸大夫曰二子者禍矣恃得君而欲謀二三

子曰國之多難貴寵之由盡去之而後君定既成謀

矣盡及其未作也先諸作而後悔亦無及也大夫從

之夏六月戊辰陳乞鮑牧注牧鮑圉孫音義

難乃旦反鮑牧

州牧之牧

及諸大夫以甲入于公宮昭子聞之與惠子乘

如公戰于莊敗注高國敗也莊六軌之道音義

乘繩證反

國人追之國夏奔莒遂及高張晏圉弦施來奔注晏

圉嬰之子圉施不書非卿音義

圉魚呂反

○秋七月楚子

在城父將救陳卜戰不吉卜退不吉王曰然則死也

再敗楚師不如死注前已敗於柏舉今若退還亦是

敗疏

注正義曰劉炫言卜不吉謂戰當敗再敗當謂今伐更敗也杜言退還亦是敗非也以規杜氏

今知劉非者杜言退還亦是敗者以傳卜退不吉是
不得好退是雖欲退還亦必敗也故云退還亦是敗
但又委悉劉以為退還謂
是好退而還以規杜非也棄盟逃讎亦不如死死

一也其死讎乎命公子申為王不可則命公子結亦

不可則命公子啟注申子西結子期啟子閭皆昭王

兄五辭而後許將戰王有疾庚寅昭王攻大冥卒于

城父注大冥陳地吳師所在音義

辭本又作辭說文云辭不受也受辛

宜辭也辭稿文冥亡丁反

子閭退曰君王舍其子而讓羣臣敢忘

君乎從君之命順也注從命許立音義

舍音

立君之

子亦順也二順不可失也與子西子期謀潛師閉塗

逆越女之子章立之而後還注潛師密發也閉塗不

通外使也越女昭王妾章惠王是歲也有雲如衆赤

鳥夾日以飛三日楚子使問諸周大史音義

史古合反大音

秦下疏

正義曰服虔云諸侯皆有大史主周所賜典籍故曰周大史一曰是時往問周大史杜以

問周大史於文自明故不煩辭

周大史曰其當王身乎注日為人君

妖氣守之故以為當王身雲在楚上唯楚見之故禍

不及他國若禳之可移於令尹司馬注禳禳祭音義

崇音詠襍
如羊反

王曰除腹心之疾而寘諸股肱何益不穀

不有大過天其天諸有罪受罰又焉移之遂弗崇音

義

寘之政反天於表反焉於虔反

疏

正義曰言已若無大罪天其妄天之乎必是身有大罪天乃下

罰有罪受罰又焉移之

初昭王有疾卜曰河為崇王弗祭大夫

請祭諸郊王曰三代命祀祭不越望注諸侯望祀竟

內山川星辰音義

崇息遂反竟音境

江漢睢漳楚之望也注

四水在楚界音義

睢七餘反漳音章

疏

注正義曰土地名江經南郡江夏弋陽安

豐漢經襄陽至江夏安陸縣入江睢經襄陽至南郡枝江縣入江漳經襄陽至南郡當陽縣入江是四水

皆在楚界也

禍福之至不是過也不穀雖不德河非所獲

罪也遂弗祭孔子曰楚昭王知大道矣其不失國也

宜哉夏書曰惟彼陶唐帥彼天常注逸書言堯循天

之常道音義

楚昭王知大道矣本或作天道非夏戶雅反下注同此語在尚書五子之歌書

無帥彼天常一句下亦微異

有此冀方今失其行亂其紀綱乃滅

而亡注滅亡謂夏桀也唐虞及夏同都冀州不易地

而亡由於不知大道故音義

行如字又下孟反尚書作厥道乃滅而亡尚書

作乃底滅亡

疏

正義曰此夏書五子之歌第三章也彼云惟彼陶唐有此冀方今失厥道亂其紀綱

乃底滅亡此多帥彼天常一句又字小異者文經篆
隸師讀不同故兩存之賈服孫杜皆不見古文以為
逸書解為夏桀之時唯王肅云太康時也案王肅注
尚書其言多是孔傳疑肅見古文匿之而不言也堯
治平陽舜治蒲坂禹治安邑三都相去各二百
餘里俱在冀州統天下四方故云有此冀方也 又曰
允出茲在茲由已率常可矣注又逸書言信出已則

福亦在已○八月齊邠意茲來奔注高國黨陳僖子

使召公子陽生注召在七月今在八月下記事之次

疏

注正義曰經書陽生入齊文在七月之下知其召
在七月也今傳在八月下者欲令下接十月立之

是記事之次也邠意茲來奔者自以高國之黨八月
來奔耳僖子使召陽生自以七月之時別使人召之

非遺意茲召也賈逵以傳文相連謂遺意來召又怪其日月錯誤云其說未聞杜以此故為注云高國黨以隔陽生駕而見南郭且于注且于齊公子鉏在魯之

南郭音義

且子餘反

曰嘗獻馬于季孫不入於上乘故又

獻此請與子乘之注畏在家人聞其言故欲二人共

載以試馬為辭音義

上乘繩證反

出萊門而告之故注魯

郭門也闕止知之先待諸外注闕止陽生家臣子我

也待外欲俱去音義

闕苦暫反

公子曰事未可知反與壬

也處注壬陽生子簡公音義

壬而林反

戒之遂行注戒使

無洩言音義

洩息列反

逮夜至於齊國人知之注故以昏

至不欲令人知也國人知而不言言陳氏得衆音義

令力呈反下同

僖子使子士之母養之注隱於僖子家內子

士母僖子妾與饋者皆入注陳僖子又令陽生隨饋

食之人入處公宮音義

饋其位反

冬十月丁卯立之將盟

注盟諸大夫鮑子醉而往其臣差車鮑點曰注點鮑

牧臣也差車主車之官音義

差所宜反點之廉反又如字

此誰之

命也陳子曰受命于鮑子遂誣鮑子曰子之命也注

見其醉故誣之鮑子曰女忘君之為孺子牛而折其

齒乎而背之也注孺子茶也景公嘗銜繩為牛使茶

牽之茶頓地故折其齒音義

女音汝折之舌反又市列反注同背音佩後年

皆同悼公稽首曰注悼公陽生吾子奉義而行者也若

我可不必亡一大夫注言已可為君必不怨鮑子若

我不可不必亡一公子注公子自謂也恐鮑子殺已

故要之音義

要一進反

義則進否則退敢不唯子是從廢

興無以亂則所願也鮑子曰誰非君之子乃受盟注

言陽生亦君之子固可立使胡姬以安孺子如賴注

胡姬景公妾也賴齊邑安號也去鬻如注茶之母音

義去起呂反殺王甲拘江說囚王豹于句竇之丘注三子

景公嬖臣荼之黨也音義拘音俱說音悅句音鉤竇音豆公使朱毛

告於陳子曰注朱毛齊大夫微子則不及此然君異

於器不可以二器二不匱君二多難敢布諸大夫僖

子不對而泣曰君舉不信羣臣乎注舉皆也音義匱其

位反難乃旦反以齊國之困困又有憂注內有飢荒之困又

有兵革之憂少君不可以訪是以求長君庶亦能容
羣臣乎不然夫孺子何罪毛復命公悔之注悔失言

音義

少詩照反長丁丈反
夫音扶孺或作儒同

毛曰君大訪於陳子而圖

其小可也注大謂國政小謂殺荼使毛遷孺子於駘

不至殺諸野幕之下葬諸父冒淳注恐駘人不從故

毛駐於野張帳而殺之駘齊邑父冒淳地名實以冬

殺經書秋者史書秋記始事遂連其死通以冬告魯

音義

駘他才反父徒來反幕音莫父音
殊冒亡報反淳音純駐中佳反

疏

注正義曰
傳言十月

立陽生陽生既立之後方遣朱毛殺荼則荼死在冬
經書為秋殺者記陽生初事入齊之始遂連荼死二
事通以冬始來告言陽生秋
入荼以秋死故竝書於秋也

經七年春宋皇瑗帥師侵鄭音義

瑗于
卷反

晉魏曼多帥師侵衛

夏公會吳于鄆注鄆今琅琊鄆縣音義

鄆本又作
繒才稜反

秋公伐邾八月己酉入邾以邾子益來注他國言歸於

魯言來外內之辭

宋人圍曹

冬鄭駟宏帥師救曹

傳七年春宋師侵鄭鄭叛晉故也注定八年鄭始叛

○晉師侵衛衛不服也注五年晉伐衛至今未服○

夏公會吳于鄆注吳欲霸中國吳來徵百牢子服景

伯對曰先王未之有也吳人曰宋百牢我注是時吳

過宋得百牢音義

牢力刀反
過古禾反

魯不可以後宋且魯牢

晉大夫過十注晉大夫范鞅也在昭二十一年音義

後如字又
戶丑反

吳王百牢不亦可乎疏

正義曰王制云君
十卿祿魯牢晉大

夫過十故吳王自謂合得百牢

景伯曰晉范鞅貪而棄禮以大國懼

敝邑故敝邑十一牢之君若以禮命於諸侯則有數

矣注有常數疏

注正義曰周禮大行人云上公九牢侯伯七牢子男五牢是常數也

若

亦棄禮則有淫者矣注淫過也周之王也制禮上物

不過十二注上物天子之牢音義

上如字一音疏注時掌反注同

正

義曰周禮掌客云王合諸侯而饗禮則具十有二牢鄭玄云饗諸侯而用王禮之數者以公侯伯子男盡在是兼饗之莫適用也以莫適用故用王禮是天子之禮十二牢也郊特牲云天子適諸侯諸侯膳用犢諸侯適天子天子賜之禮大牢貴誠之義也如彼記文諸侯共天子之膳唯一犢耳而得有十二牢者若

是天子大禮必以十二為數其餘共王之膳食自用犢為食耳非謂獻大禮者唯一犢也以為天

之大數也注天有十二次故制禮象之今棄周禮而

曰必百牢亦唯執事吳人弗聽景伯曰吳將亡矣棄

天而背本注違周為背本疏

正義曰棄十二之數為棄天違周禮是背本

不與必棄疾於我注放棄凶疾來伐擊我乃與之太

宰嚭召季康子注嚭吳大夫康子使子貢辭太宰嚭

曰國君道長注蓋言君長大於道路音義

長丁文反注及下注

同而大夫不出門此何禮也對曰豈以為禮畏大國

也注畏大國不敢虛國盡行大國不以禮命於諸侯
苟不以禮豈可量也寡君既共命焉其老豈敢棄其
國大伯端委以治周禮仲雍嗣之斷髮文身羸以為
飾豈禮也哉有由然也注大伯周大王之長子仲雍
大伯弟也大伯仲雍讓其弟季歷俱適荆蠻遂有民
衆大伯卒無子仲雍嗣立不能行禮致化故效吳俗
言其權時制宜以辟災害非以為禮也端委禮衣也

音義

共音恭大伯音泰注同斷丁管反
羸本又作僂力果反效戶孝反

疏

注正義曰
吳世家云

大 伯及仲雍皆周大王之子而王季歷之兄也季歷
賢而有聖子昌大王欲立季歷以及昌於是大伯仲
雍二人乃奔荆蠻文身斷髮示不可用大伯之奔荆
蠻自號句吳荆蠻義之從而歸之千餘家立為吳大
伯大伯卒無子弟仲雍立是說大伯仲雍適吳之由
也魯人不堪吳責故舉吳之上祖以訐之二人同時
適吳而大伯端委仲雍斷髮者大伯初往未為彼君
故服其本服自治周禮及仲雍民歸稍多既為彼君
宜從彼俗曲禮云君子行禮不求變俗仲雍為彼人
主不能行周人之禮致中國之化故文身斷髮放效
吳俗言其權時制宜以辟災害非以為禮也漢書地
理志云越人文身斷髮以辟蛟龍之害應劭曰常在
水中故斷其髮文其身以象龍子故不見傷害杜言
辟害辟此蛟龍之害大伯之時未有周禮言治周禮
者謂治其本國岐周之禮非周公所制禮也嬴以為
飾者嬴其身體以文身為飾也端委禮衣者王肅云

委貌之冠玄端之衣也此傳言大伯端委仲雍斷髮
史記云二人皆文身斷髮然則文身斷髮自辟害耳
史記以為示不可用二人亡去遠適荆蠻則周
人不知其處何以須示不可用也皆馬遷謬耳反自

鄆以吳為無能為也注棄禮知其不能霸也○季康

子欲伐邾乃饗大夫以謀之子服景伯曰小所以事

大信也大所以保小仁也背大國不信注大國吳也

伐小國不仁民保於城城保於德失二德者危將焉

保注二德信與仁也音義

馬於度反

孟孫曰二三子以為

何如注怪諸大夫不言故指問之惡賢而逆之注孟

孫賢景伯欲使大夫不逆其言惡猶安也音義

惡音烏注

同對曰禹合諸侯於塗山執玉帛者萬國注諸大夫

對也諸侯執玉附庸執帛塗山在壽春東北疏

注正義曰

周禮大宗伯云以玉作五瑞以等邦國公執桓圭侯執信圭伯執躬圭子執穀璧男執蒲璧是諸侯執玉也典命云諸侯之適子未誓於天子以皮帛繼子男是世子執帛也知附庸執帛者以世子既繼子男附庸君亦繼子男公之孤四命以皮帛視小國之君附庸無爵雖不得同於子男其位不卑於世子與公之孤也諸侯世子各稱朝附庸君亦稱朝是與世子相似故知執帛也且附庸是國此言執玉帛者萬國國而執帛唯附庸耳知附庸執帛也案尚書有三帛公之孤諸侯世子附庸君此唯言附庸者以傳云禹合

諸侯又云執玉皆據君身言之故不數世子及孤也
下云萬國故唯據附庸言之王制云不能五十里者
不合於天子附於諸侯曰附庸鄭玄云不合謂不朝
會也小城曰附庸附庸者以國事附於大國未能以
其名通也如彼云附庸不得朝會而禹會萬國有附
庸者附庸不得特達天子耳禹會諸侯諸國盡至附
庸從其所附之國共見天子故有執帛者言萬國者
舉盈數耳鄭玄注尚書以為數正滿萬國案益稷州
十有二師鄭以為每一師領百國州十有二師則每
州千二百國畿外八州總九千六百國其餘四百國
在畿內州得有千二百國者以唐虞土方萬里九州
之內地方七千里七七四十九為方千里者四十九
其一為畿內餘四十八州分之州各有千里之方
六以千里之方二為方百里之國二百又以千里之
方二為七十里之國四百又以千里之方二為五十
里之國八百總為一千四百國去其方五十里之國

二百是州別千二百國也鄭玄云畿內四百國者皆謂五十里國也杜云諸侯執玉附庸執帛是與鄭異也尚書傳云百里之方三為國七有奇以百里之方一為百里之國一又以百里之方一為七十里之國二有奇知者但方百里者為方十里者百若方七十里之國唯有七十七九是為七十里之國二仍有十里之方二在又以百里之方一為五十里之國四是百里之方三為國七有奇則千里之方三為國七百有奇有百今其存者無數十焉唯大不字小小不里之方二在

事大也注言諸侯相伐古來以然音義

數所主反

知必危

何故不言注知伐邾必危自當言今不言者不危故也大夫以答孟孫所怪且阿附季孫魯德如邾而以

衆加之可乎注孟孫忿答大夫今魯德無以勝邾但

欲恃衆可乎言不可疏

注正義曰傳於異人之言更應加曰今無曰者作傳畧之

論語之文此類多矣雖魯上無曰要言與大夫對反不得為大夫之辭故以為孟孫忿答大夫也服虔以上二句亦為孟孫之言謂諸大夫誠知伐邾必危何故不早言也杜以上屬為便唯以此句為孟孫言耳

不樂而出注季孟意異倭直不同故罷饗音義

樂音岳一

音洛秋伐邾及范門注邾郭門也猶聞鐘聲注邾不禦

寇音義

樂魚呂反

大夫諫不聽茅成子請告於吳注成子

邾大夫茅夷鴻不許曰魯擊柝聞於邾注言以近音

義

析音託以兩木相擊以行夜也
字又作櫟同聞音問又如字

疏

正義曰易繫辭
云重門擊柝以

待暴客鄭玄云手持兩木以
相敵是為擊柝守備警戒也

吳二千里不三月不至

何及於我且國內豈不足注言足以拒魯成子以茅

叛注高平西南有茅鄉亭師遂入邾處其公宮衆師

晝掠注虜掠取財物也音義

晝音中救
反掠音亮

邾衆保于繹

注繹邾山也在鄒縣北音義

繹音亦邾
側留反

師宵掠以邾

子益來注益邾隱公也晝夜掠傳言康子無法獻于

亳社注以其亡國與殷同因諸負瑕負瑕故有繹注

負瑕魯邑高平南平陽縣西北有瑕丘城前者魯得
邾之繹民使在負瑕故使相就以辱之邾茅夷鴻以

束帛乘韋自請救於吳

注無君命故言自音義乘繩

及下曰魯弱晉而遠吳馮恃其衆

注馮依音義馮皮

注同而背君之盟辟君之執事

注辟陋音義辟匹亦反注同以

陵我小國邾非敢自愛也懼君威之不立君威之不

立小國之憂也若夏盟於鄆

注鄆行即鄆也鄆盟

不書吳行夷禮禮儀不典非所以結信義故不錄秋

而背之成求而不違注言魯成其所求無違逆也四方諸侯其何以事君且魯賦八百乘君之貳也注貳敵也魯以八百乘之賦貢於吳言其國大邾賦六百乘君之私也注為私屬以私奉貳唯君圖之吳子從之注為明年吳伐我傳○宋人圍曹鄭桓子思曰宋人有曹鄭之患也不可以不救注桓諡冬鄭師救曹侵宋初曹人或夢眾君子立于社宮注社宮社也疏正義曰曹人夢見多人不識姓名故唯云眾君子也服虔云眾君子諸國君妄耳而謀亡曹

曹叔振鐸請待公孫彊許之注振鐸曹始祖音義待鐸

洛反注同
彊其艮反

旦而求之曹無之戒其子曰我死爾聞公

孫彊為政必去之及曹伯陽即位好田弋曹鄙人公

孫彊好弋獲白鴈獻之且言田弋之說說之因訪政

事大說之有寵使為司城以聽政夢者之子乃行彊

言霸說於曹伯曹伯從之乃背晉而奸宋宋人伐之

晉人不救築五邑於其郊曰黍丘揖丘大城鍾邠注

為明年入曹傳也梁國下邑縣西南有黍丘亭音義

好呼報反下同弋以職反繳射也之說如字說之音
悅下大說同霸說如字一音始銳反奸音干揖音集
一音於入疏正義曰周禮司弓矢云矰矢用諸弋射
反邦音于鄭玄云結繳於矢謂之矰矰高也可以
弋飛鳥說文云繳生絲也謂
用生絲為繩繫矢以射鳥也

經八年春王正月宋公入曹以曹伯陽歸注曹人背晉

而奸宋是以致討宋人既還而不忍褚師之詬怒而反

兵一舉滅曹滅非本志故以入告音義

諸中呂反疏注

義曰傳例曰不有其地曰入案傳宋實滅
曹而有之經書為入故杜原其事而解之

吳伐我

夏齊人取讎及闡注不書伐兵未加而魯與之邑闡在

東平劉縣北音義

謹音歡闡尺善反

疏

正義曰公羊穀梁以為略齊謂前年魯伐邾取

邾子益益是齊甥畏齊故略之非左氏意也

歸邾子益于邾

秋七月

冬十有二月癸亥杞伯過卒注無專末同盟而赴以名

音義

過古未反疏

正義曰世族譜云僖公過悼公曾孫索悼公祖文公以昭六年卒父平公以昭二十

四年卒悼公以定四年卒未應有曾孫可以授之國也杞世家僖公過是悼公之子疑譜誤

齊人歸讎及闡注不言來命歸之無官使也音義

使所吏反

疏

注正義曰定七年齊人來歸鄆謹龜陰田此不言來故解之

傳八年春宋公伐曹將還褚師子肥殿注子肥宋大

夫音義

殿丁練反下注同

曹人詬之不行注詬言辱也不行

殿兵止也音義

詬本又作詢呼豆反詈力智反

師待之公聞之怒命

反之遂滅曹執曹伯及司城彊以歸殺之注終曹人

之夢○吳為邾故將伐魯問於叔孫輒注問可伐否

輒故魯人音義

為于偽反下注為之同

疏

正義曰定十二年叔孫輒與公山不狃帥

費人以襲魯兵敗奔于齊
後自齊奔吳吳子令問之
叔孫輒對曰魯有名而無

情注有大國名無情實伐之必得志焉退而告公山

不狃注不狃亦故魯人音義狃女九反公山不狃曰非禮

也君子違不適讎國注違奔亡也疏正義曰謂有故而去者也本國

於已無大讎怨已無報怨之心則違而不適讎國武
王數紂之罪以告衆云撫我則后虐我則讎若父本
無罪而枉被誅殺如伍員之徒忠在復讎適讎亦可
矣不得以此言格之也若父以罪而受誅者如關辛
之徒本自不合怨君
故辛亦不敢怨也
未臣而有伐之奔命焉死之可

也注未臣所適之國若有伐本國者則可還奔命死

其難音義

難乃疏注正義曰既臣之後則身是新君旦反之臣性命非復已有故不復得為

舊君死節也若未有臣服則舊君之恩未絕故可還奔舊君之命死其難也言奔命則有命乃奔之若命

不及亦不當還所託也則隱注曾所因託則為之隱惡音義

曾在增反且夫人之行也不以所惡廢鄉注不以其私怨

惡廢棄其鄉黨之好音義夫音符行下孟反又如字惡烏路反又如字注同好

呼報反下文好焉同今子以小惡而欲覆宗國不亦難乎注輒

魯公族故謂之宗國音義覆芳服反若使子率子必辭王

將使我子張病之注子張輒也疏正義曰率謂在軍前引道率領先行

非為軍之將帥也故不狃云子辭王將
使我以其知魯道者唯此二人故也
王問於子洩

注子洩不狃音義

洩息列反又作泄

對曰魯雖無與立注緩

時若無能自立必有與斃注急則人知懼皆將同

死戰音義

斃婢世反

諸侯將救之未可以得志焉晉與齊

楚輔之是四讎也注與魯而四夫魯齊晉之脣脣亡

齒寒君所知也不救何為三月吳伐我子洩率故道

險從武城注故由險道欲使魯備音義

子洩率絕句故道險

絕句初武城人或有因於吳竟田焉注僑田吳界音義

竟音境僑其驕反

拘鄆人之漚管者曰何故使吾水滋注鄆

人亦僑田吳滋濁也音義

拘音俱下同漚烏豆反管古頗反滋音玄本又作茲

子綏反字林云黑也

及吳師至拘者道之以伐武城克之注鄆

人教吳必可克音義

道音導

王犯嘗為之宰澹臺子羽

之父好焉國人懼注王犯吳大夫故嘗奔魯為武城

宰澹臺子羽武城人孔子弟子也其父與王犯相善

國人懼其為內應音義

澹待甘反應對之應

疏

正義曰杜意拘者道之以

伐武城克之謂語吳人云若伐武城必可克之吳人王犯嘗為武城之宰與澹臺子羽之父相善國人懼

者謂武城邑懼子羽為吳內應劉炫以為實克武城
今知非者以下傳始云王犯嘗為之宰國人懼是未
得武城故知此克之是鄆人教吳之語劉以為伐武
城克之者實克武城國人懼者懼其害魯若然吳師
既來伐魯是顯然行兵不須云王犯與子羽之父相
善魯已受害何須云國人始懼傳既云王犯嘗為之
宰又繼武城之下是為武城之宰澹臺子羽又是武
城之人皆據武城而言故知恐為武城內應傳載澹
管事者說來伐武城之由

劉妄生異見而規杜非也懿子謂景伯若之何對曰

吳師來斯與之戰何患焉且召之而至又何求焉注

言犯盟伐邾所以召吳吳師克東陽而進舍於五梧

明日舍於蠡室注三邑魯地公賓庚公甲叔子與戰

于夷獲叔子與析朱鉏注公賓庚公甲叔子并析朱

鉏為三人皆同車傳互言之音義

析星曆反注及下同

獻於王

王曰此同車必使能國未可望也注同車能俱死是

國能使人故不可望得明日舍于庚宗遂次於泗上

微虎欲宵攻王舍注微虎魯大夫音義

泗音四

私屬徒

七百人三踊於幕庭注於帳前設格令士試躍之音

義

屬音燭幕亡博反格更百反令力呈反躍羊灼反

卒三百人有若與焉注

卒終也終得三百人任行有若孔子弟子與在三百

人中音義

與音預注
同任音王

及稷門之內注三百人行至稷

門內或謂季孫曰不足以害吳而多殺國士不如已

也乃止之吳子聞之一夕三遷注畏微虎音義

三息
暫反

吳人行成注求與魯成將盟景伯曰楚人圍宋易子

而食析骸而爨注在宣十五年音義

骸戶皆反本又
作骨爨七亂反

猶無城下之盟我未及虧而有城下之盟是棄國也

吳輕而遠不能久將歸矣請少待之弗從景伯負載

造於萊門注以言不見從故負載書將欲出盟音義

虧去危反輕遣政反載如字

疏

注正義曰劉炫云載書盟主所制自當吳

人為之何由復出魯國又載書數簡之文耳何須負之且諸言載書未有單稱載者以為負載器物欲往

質於吳以規杜今杜知負載是負載書者以周禮司盟掌盟載之事故傳云士莊子為載書此上有將盟

之文下即云負載之事故知是載書也劉以負載謂背負器物然則景伯魯之大夫親自負物不近人情

而規杜乃請釋子服何於吳吳人許之以王子姑曹過非也

當之而後止注釋舍也魯人不以盟為了欲因留景

伯為質於吳既得吳之許復求吳王之子以交質吳

人不欲留王子故遂兩止音義

質音致下同復扶又反

吳人盟

而還注不書盟恥吳夷○齊悼公之來也注在五年

季康子以其妹妻之即位而逆之季魴侯通焉注魴

侯康子叔父音義

妻七計反魴音房

女言其情弗敢與也齊

侯怒夏五月齊鮑牧帥師伐我取譖及闡○或譖胡

姬於齊侯注胡姬景公妾曰安孺子之黨也六月齊

侯殺胡姬注傳言齊侯無道所以不終○齊侯使如

吳請師將以伐我乃歸邾子注齊未得季姬故請師

也吳前為邾討魯懼二國同心故歸邾子音義

為于偽反

邾子又無道吳子使大宰子餘討之注子餘大宰詬

囚諸樓臺桷之以棘注桷擁也音義

桷本又作苻在薦反擁於勇反

使諸大夫奉太子革以為政注革邾太子桓公也為

十年邾子來奔傳○秋及齊平九月臧賓如如齊涖

盟注賓如臧會子齊閭丘明來涖盟注明閭丘嬰之

子也盟不書諱略之疏

注正義曰魯以淫女見伐喪邑又屈服求盟是可恥之事

二盟皆不書者諱其惡而畧之

且逆季姬以歸嬖注季姬鮑侯所通

者鮑牧又謂羣公子曰使女有馬千乘乎注有馬千

乘使為君也鮑牧本不欲立陽生故諷動羣公子音

義

女音汝乘繩證反注及下同諷方鳳反

公子慤之公謂鮑子或譖子

子姑居於潞以察之注潞齊邑音義

慤音素潞音路

若有之

則分室以行若無之則反子之所出門使以三分之

一行半道使以二乘及潞麋之以入遂殺之注麋亦

束縛音義

麋丘隕反

○冬十二月齊人歸讙及闡季姬嬖

故也

經九年春王二月葬杞僖公注無傳三月而葬速

宋皇瑗帥師取鄭師于雍丘注書取覆而敗之雍丘縣

屬陳留音義

雅於勇反

疏

注正義曰莊十一年傳例曰覆而敗之曰取其師釋例曰覆者謂威

力兼備若羅網之所掩覆一軍皆見禽制故以取為文專制之辭也案傳鄭師圍宋雍丘宋皇瑗復於鄭師之外築壘使合表裏受敵無處可逃子姚救之又大敗而宋師乃號令使有能者無死是其合軍盡禽敵人制其死命是於例正合書取也

夏楚人伐陳

秋宋公伐鄭

冬十月

傳九年春齊侯使公孟綽辭師于吳注齊與魯平故

辭吳師音義

綽昌灼反本又作卓同

吳子曰昔歲寡人聞命今

又革之不知所從將進受命於君注為十年吳伐齊

傳○鄭武子賸之嬖許瑕求邑無以與之注賸罕達

也瑕武子之屬音義

賸以證反

請外取許之注瑕請取於

他國故圍宋雍丘宋皇瑗圍鄭師注許瑕師每日遷

舍注作壘塹成輒徙舍合其圍音義

壘力軌反塹七龍反

壘合

鄭師哭子姚救之大敗注子姚武子賸也二月甲戌

宋取鄭師于雍丘使有能者無死注惜其能也以邾

張與鄭羅歸注鄭之有能者音義

邾古洽反又音甲

○夏楚

人伐陳陳即吳故也○宋公伐鄭注報雍丘疏

正義曰虛

舉經文者為下趙鞅救鄭起并以終上取鄭師之事也

○秋吳城邾溝通江淮

注於邾江築城穿溝東北通射陽湖西北至末口入

淮通糧道也今廣陵邾江是音義

邾音寒射食亦反又音亦

○晉

趙鞅卜救鄭遇水適火注水火之兆疏

正義曰服虔云北南行適

火卜法橫者為土立者為木邾向經者為金背經者為火因北而細曲者為水

占諸史趙史

墨史龜注皆晉史史龜曰是謂沈陽注火陽得水故
沈可以興兵注兵陰類也故可以興兵利以伐姜不
利子商注姜齊姓子商謂宋伐齊則可敵宋不吉史
墨曰盈水名也子水位也注趙鞅姓盈宋姓子水盈
坎乃行子姓又得北方水位疏注正義曰秦本紀秦
伯翳之後為嬴姓也
趙世家云趙氏之先與秦同祖伯翳後世為蜚廉蜚
廉有子二人一曰惡來其後為秦一曰季勝其後為
趙今卜趙鞅伐宋故以嬴子二姓為占也名位敵不可干也注二水俱盛
故言不可干炎帝為火師注神農有火瑞以火名官

姜姓其後也水勝火伐姜則可史趙曰是謂如川之

滿不可游也注既盈而得水位故為如川之滿不可

馮游言其波流盛音義

游音由馮
皮永反

鄭方有罪不可救

也注鄭以嬖寵伐人故以為有罪救鄭則不吉不知

其他注救鄭則當代宋故不吉也陽虎以周易筮之

遇泰



注乾下坤上泰之需



注乾下坎上需

泰六五變音義

需音須

疏

正義曰乾下坤上泰乾為天
坤為地地在上天在下象曰

天地交泰泰者大也天地交合萬物大通故名此卦
為泰乾下坎上需象曰需須也言雲在天上須散而

為雨故名
此卦為需

曰宋方吉不可與也注不可與戰泰六五

曰帝乙歸妹以祉元吉帝乙紂父立為天子故稱帝

乙陰而得中有似王者嫁妹得如其願受福祿而大

吉音義

社音

疏

注正義曰泰六五曰帝乙歸妹以祉元吉易之文也既引其文又解其意

帝乙紂父殷本紀文也易之文位五為天子故於六五之爻稱帝乙也其象曰以祉元吉中以行願六

陰爻也五是上體之中居天子之位陰而得中有似王者嫁妹得如其願受福祿而大吉王弼云婦人謂

嫁曰歸泰者陰陽交通之時也女處尊位履中居順

降身應二感以相與用中行願不失其禮帝乙歸妹誠合斯義履順居中行願以祉盡夫陰陽交配之宜故元吉也杜說與彼同案易稱高宗伐鬼方者實伐

之帝乙歸妹者實嫁之其女有賢德名聞昭著故得載之易象但書典散亡不知嫁與何人為誰之妻

微子啟帝乙之元子也宋鄭甥舅也注宋鄭為婚姻

甥舅之國宋為微子之後今卜得帝乙卦故以為宋

吉疏

正義曰宋鄭異姓必嫁娶往來或何時實有親故為甥舅輒言甥舅者言其婚姻勢敵敵則無

以相傾宋有福鄭必衰言鄭不可助也

祉祿也若帝乙之元子歸妹而

有吉祿我安得吉焉乃止注吉在彼則我伐之為不

吉○冬吳子使來敝師伐齊注前年齊與吳謀伐魯

齊既與魯成而止故吳恨之反為魯謀伐齊音義

敝音

景

經十年春王二月邾子益來奔疏

正義曰八年歸邾子益于邾傳云邾子又

無道吳子使大宰子餘討之因諸樓臺柝之以棘蓋將歸吳而囚之今言來奔當是自吳逃而來適魯傳稱齊甥也遂奔齊經不復書其奔齊者凡諸來奔既至魯而更復奔他國者已去其位畧賤之不復書齊慶封亦是也

公會吳伐齊注書會從不與謀音義

與音預疏

注正義曰往年吳來

做師是與我謀也而從不與謀者與謀者謂彼此和同計謀然後共伐則是我為伐主故言及某同行不與謀者謂彼心自定遣來召我則彼為伐主我往會之故言會某伐某今吳伐齊之意已定做師者來召魯耳於例

止當言會故從
不與謀之文

三月戊戌齊侯陽生卒注以疾赴故不書弒音義

弒申
志反

疏注正義曰傳稱齊人弒悼公赴于師則陽生被弒矣
而經書卒是以疾死赴也襄七年鄭伯髡頑卒于鄆

傳稱子駟使賊夜弒僖公而以瘡疾赴于諸侯知此亦
以疾死赴故不書弒也八年臧賔如如齊涖盟齊閭丘
明來涖盟是再同盟故
赴以名杜不言畧之

夏宋人伐鄭注無傳

晉趙鞅帥師侵齊

五月公至自伐齊注無傳

葬齊悼公注無傳

衛公孟彊自齊歸于衛注無傳書歸齊納之音義

彊古侯反

疏

注正義曰定十四年衛公孟彊出奔鄭自鄭奔齊故今自齊歸衛也成十八年傳例曰凡去其國諸侯納

之曰歸此書自齊歸知是齊納之

薛伯夷卒注無傳赴以名故書疏

注正義曰定十三年薛弑其君比此夷當

代為君爾夷未同盟而赴以名故書

秋葬薛惠公注無傳

冬楚公子結帥師伐陳

吳救陳注季子不書陳人來告不以名疏

注正義曰傳稱延州來季

子救陳即是季札也札以襄二十九年來聘書名則此亦宜書名今不書者陳人來告不以名也

傳十年春邾隱公來奔齊甥也故遂奔齊注終子貢

之言公會吳子邾子郕子伐齊南鄙師于郕注郕齊

地邾郕不書兵并屬吳不列於諸侯音義

邾音談郕音息并必

政反齊人弑悼公赴于師注以說吳音義

弑申志反

吳子三

日哭于軍門之外徐承帥舟師將自海入齊齊人敗

之吳師乃還注承吳大夫○夏趙鞅帥師伐齊注經

書侵以侵告大夫請卜之趙孟曰吾卜於此起兵注

謂往歲卜伐宋不吉利以伐姜故令興兵事不再令

注再令瀆也卜不襲吉注襲重也音義重直龍反又直用反行

也於是乎取犁及轅注犁一名隰濟南有隰陰縣祝

阿縣西有轅城音義犁力兮反又人力之反轅音袁一音于卷反隰音習本或作濕音

同疏注正義曰犁即犁丘也二十三年傳稱齊晉戰于犁丘知伯親擒顏庚庚即丞聚也二十七年

陳成子召顏丞聚之子晉曰隰毀高唐之郭侵及賴

而還○秋吳子使來復倣師注伐齊未得志故為明

年吳伐齊傳音義

復扶又反

○冬楚子期伐陳注陳即吳

故吳延州來季子救陳謂子期曰二君不務德注二

君吳楚而力爭諸侯民何罪焉我請退以為子名務

德而安民乃還注季子吳王壽夢少子也壽夢以襄

十二年卒至今七十七歲壽夢卒季子已能讓國年

當十五六至今蓋九十餘音義

夢音蒙少詩照反

疏

注正義曰襄昭

之傳稱延州來季子者皆是季札也此說務德安民
是大賢之事亦當是札故計跡其年言雖老猶能將
兵也孫毓以為季子食邑於州來世稱延州來季子
猶趙氏世稱趙孟延州來季子或是札之子與孫也

經十有一年春齊國書帥師伐我

夏陳轅頗出奔鄭注書名貪也音義

頗破可反又音多反

五月公會吳伐齊

甲戌齊國書帥師及吳戰于艾陵齊師敗績獲齊國書

注公與伐而不與戰艾陵齊地音義

艾五蓋反與伐音預下同

秋七月辛酉滕子虞母卒注無傳赴以名故書之疏

注正

義曰四年滕子結卒虞母代結為君爾來未同盟來赴故書也

冬十有一月葬滕隱公注無傳

衛世叔齊出奔宋注書名淫也

傳十一年春齊為鄆故注鄆在前年音義

偽反

國書

高無平帥師伐我及清注清齊地濟北盧縣東有清

亭音義

平音普悲反

季孫謂其宰冉求注冉求魯人孔子

弟子曰齊師在清必魯故也若之何求曰一子守二

子從公禦諸竟季孫曰不能注自度力不能使二子

禦諸竟音義

守手又反從才用反禦魚呂反亦作御竟音境度待洛反

求曰居封

疆之間注封疆竟內近郊地音義

疆居良反

季孫告二子

注二子叔孫孟孫也二子不可求曰若不可則君無
出一子帥師背城而戰不屬者非魯人也注屬臣屬
也言不戰為不臣魯之羣室衆於齊之兵車注羣室
都邑居家一室敵車優矣子何患焉二子之不欲戰
也宜政在季氏注言二子恨季氏專政故不盡力音
義二子之不欲戰也宜絕句當子之身齊人伐魯而不能戰子之
恥也大不列於諸侯矣季孫使從於朝注使冉求隨
已之公朝俟於黨氏之溝注黨氏溝朝中地名音義

黨音掌

武叔呼而問戰焉注問冉求對曰君子有遠慮

小人何知懿子強問之對曰小人慮材而言量力而

共者也注言子所問非已材力所及故不能言音義

強其文反共音恭

武叔曰是謂我不成丈夫也注知冉求非

已不欲戰故不對音義

不成丈夫也本或作大夫非是

退而蒐乘注

蒐閱音義

蒐所求反乘繩證反閱音悅

孟孺子洩帥右師注孺子

孟懿子之子武伯蚤音義

孺而佳反蚤直利反

顏羽御邴洩為

右注二子孟氏臣音義

邴音丙又被命反

冉求帥左師管周

父御樊遲為右注樊遲魯人孔子弟子樊須音義

父音

甫季孫曰須也弱有子曰就用命焉注雖年少能用

命有子冉求也音義

少詩照反

季氏之甲七千冉有以武

城人三百為已徒卒注步卒精兵音義

卒子忽反注同

老幼

守宮次于雩門之外注南城門也音義

雩音于

五日右

師從之注五日乃從言不欲戰公叔務人注務人公

為昭公子見保者而泣注保守城者曰事克注繇役

煩音義

繇本或作徭同音遙

政重注賦稅多上不能謀士不能

死何以治民吾既言之矣敢不勉乎注既言人不能
死已不敢不死師及齊師戰于郊齊師自稷曲注稷
曲郊地名師不踰溝樊遲曰非不能也不信子也請
三刻而踰之注與衆三刻約信如之衆從之注如樊
遲言乃踰溝師入齊軍注冉求之師右師奔齊人從
之注逐右師陳瓘陳莊涉泗注二陳齊大夫音義

瓘古

喚反
音四

孟之側後入以為殿注之側孟氏族也字反

音義

殿丁
練反

抽矢策其馬曰馬不進也注不欲伐善音

義抽勅留反策初革反本或作策林不狃之伍曰走乎注不狃魯士

五人為伍敗而欲走不狃曰誰不如注我不如誰而

欲走音義

誰不如如字一音而庶反注同

曰然則止乎不狃曰惡賢

注言止戰惡足為賢皆無戰志音義

惡音烏注同

徐步而

死注徐行而死言魯非無壯士但季孫不能使師獲

甲首八十注冉求所得齊人不能師注不能整其師

宵諜曰齊人遁注諜間也音義

諜音牒遁徒困反間間廁之間

冉有

請從之三季孫弗許孟孺子語人曰我不如顏羽而

賢於邴洩注二子與孟孺子同車音義

語魚反

子羽銳

敏注子羽顏羽銳精也敏疾也言欲戰我不欲戰而

能默注心雖不欲口不言奔音義

默本亦作嘿亡北反

洩曰驅

之注言驅馬欲奔公為與其嬖僮汪錡乘皆死皆殞

注皆俱也音義

嬖必計反僮本亦作童音同汪烏黃反錡魚綺反乘繩證反

孔子

曰能執干戈以衛社稷可無殤也注時人疑童子當

殤音義

殤音商八歲至十九歲為殤

疏

注正義曰喪服大功章云子女子子之長殤中殤傳

曰何以大功未成人也年十九至十六為長殤十五至十二為中殤十一至八歲為下殤不滿八歲以下

皆為無服之殤其於服也長殤中殤降成人一等下
殤降二等此汪錡蓋長殤也時人疑其當降服又葬
殤之禮亦異成人檀弓云周人以殷人之棺槨葬長
殤以夏后氏之塋周葬中殤下殤以有虞氏之瓦棺
葬無服之殤是冉有用矛於齊師故能入其軍孔子
其異於成人也

曰義也注言能以義勇不書戰不皆陳也不書敗勝

負不殊音義

矛亡侯反
陳直覲反

○夏陳轅頗出奔鄭初轅頗

為司徒賦封田以嫁公女注封內之田悉賦稅之有

餘以為已大器注大器鍾鼎之屬國人逐之故出道

渴其族轅咺進稻醴梁糗脯焉注糗乾飯也音義

但况阮反稻醴音禮以稻米為醴酒梁粳起九反以梁米為之一音昌紹反服脯丁亂反字亦作鍛加薑

桂曰疏正義曰周禮酒正辨五齊之名二曰醴齊鄭脯也疏玄云醴猶體也成而汁滓相將如今之恬酒

矣則醴是濁酒也月令命作酒云秫稻必齊是以稻為醴也釋草云蘩赤苗芑白苗郭璞曰今之赤梁粟

白梁粟皆好穀也內則鄭玄喜曰何其給也對曰噐注云服脩捶脯施薑桂也

成而具注具此醴粳曰何不吾諫對曰懼先行注恐

言不從先見逐○為郊戰故公會吳子伐齊注欲以

報也音義為于偽反五月克博壬申至于贏注博贏齊邑

也二縣皆屬泰山音義贏音盈中軍從王注吳中軍胥

門巢將上軍王子姑曹將下軍展如將右軍注三將

吳大夫齊國書將中軍高無平將上軍宗樓將下軍

陳僖子謂其弟書爾死我必得志注書子占也欲獲

死事之功宗子陽與閭丘明相厲也注相勸厲致死

子陽宗樓也桑掩胥御國子注國子國書公孫夏曰

二子必死注亦勸勉之音義

夏戶雅反

將戰公孫夏命其

徒歌虞殯注虞殯送葬歌曲示必死音義

殯必殯反

疏正

賈逵云虞殯遺殯歌詩杜云送葬歌曲並不解虞殯之名禮啟殯而葬葬則下棺反日中而虞蓋以啟

殯將虞之歌謂之虞殯歌者樂也喪者哀也送葬得有歌者蓋挽引之人為歌聲以助哀今之挽歌是也舊說挽歌漢初田橫之臣為之據此挽歌之有久矣晉初荀勗制禮以吉凶不雜送葬不宜有歌去之摯虞駁之云詩云君子作歌惟以告哀葬之有歌不為害也復存之

陳子行命其徒具

舍玉注子行陳逆也具舍玉亦示必死音義

行如字又戶郎

反舍戶暗反本又作哈

公孫揮命其徒曰人尋約吳髮短注約

繩也八尺為尋吳髮短欲以繩貫其首音義

揮許韋反

東

郭書曰三戰必死於此三矣注三戰夷儀五氏與今

使問弦多以琴注弦多齊人也六年奔魯問遺也音

義遺唯疏正義曰禮以物遺人謂之問二十六年衛季反出公使以弓問子貢論語云問人於他邦

皆是也曰吾不復見子矣注言將死戰陳書曰此行也

吾聞鼓而已不聞金矣注鼓以進軍金以退軍不聞

金言將死也傳言吳師彊齊人皆自知將敗疏注正義曰

周禮大司馬教大閱之禮云中軍以輦令鼓鼓人皆三鼓車徒皆作鼓行鳴獨車徒皆行及表乃止鳴鏡且卻鄭注云凡進軍退軍鼓鐸同其所異者廢獨而鳴鏡耳如鄭此言則進退皆有金鼓而杜云鼓以進軍金以退軍者周禮是教戰之法其臨敵之時欲戰則先擊鼓以動之欲退則先擊金以靜之故長勺之役公將鼓之是欲戰擊鼓也此傳云吾聞鼓而已不聞金矣是欲退擊金也

甲戌戰于艾

陵展如敗高子注齊上軍敗國子敗胥門巢注吳上

軍亦敗王卒助之大敗齊師獲國書公孫夏問丘明

陳書東郭書革車八百乘甲首三千以獻于公注公

以兵從故以勞公音義

辛子忽反乘繩證反從才用反又如字勞力報反

將

戰吳子呼叔孫注叔孫武叔州仇曰而事何也注問

何職對曰從司馬注從吳司馬所命王賜之甲劒鉞

曰奉爾君事故無廢命叔孫未能對衛賜進注賜子

貢孔子弟子音義

鉞普疏正義曰子貢衛悲反人故稱衛賜

曰州仇奉

甲從君而拜注拜受之公使大史固歸國子之元注
歸於齊也元首也吳以獻魯寘之新篋製之以玄纁
注製薦也音義

寘之鼓反篋古協反製音尉別本
作製以玄纁許云反本亦作黹

加

組帶焉寘書于其上曰天若不識不衷何以使下國

注言天識不善故殺國子音義

組音祖
衷音忠

○吳將伐齊

越子率其衆以朝焉王及列士皆有饋賂吳人皆喜

唯子胥懼曰是豢吳也夫注豢養也若人養犧牡非

愛之將殺之音義

饋其位反或作餽賂
音路豢音患夫音扶

諫曰越在我

心腹之疾也壤地同而有欲於我注欲得吳夫其柔
服求濟其欲也不如早從事焉注從事擊之得志於
齊猶獲石田也無所用之注石田不可耕越不為沼
吳其泯矣使醫除疾而曰必遺類焉者未之有也盤
庚之誥曰其有顛越不共則劓殄無遺育無俾易種
于茲邑注盤庚商書也顛越不共從橫不承命者也
劓割也殄絕也育長也俾使也易種轉生種類音義
沼之北反泯亡軫反盤步干反誥古報反共音恭注
同劓魚器反殄大典反俾必耳反種章勇反注同從

子容反長

疏

注正義曰彼文云顛越不恭暫遇姦宄我乃剝殄滅之無遺育無俾易種于茲

新邑此傳字少於彼引之畧也孔安國云顛殄越隊也不恭不奉上命孔言殄隊謂受上命而隊失之杜

言從橫不承命謂其人性自顛越從橫不肯承命意小異也刑名以截鼻為剝剝是割也殄絕育長俾使皆釋詁文也易謂轉易無使轉生種類不令更有惡子孫也是商所以興也今君

易之將以求大不亦難乎弗聽使於齊屬其子於鮑

氏為王孫氏注私使人至齊屬其子改姓為王孫欲

以辟吳禍音義

使所吏反屬音燭注及下同

反役王聞之使賜之

屬鏹以死注艾陵役也屬鏹劍名音義

鏹力俱反又力侯反

將

死曰樹吾墓櫨櫨可材也吳其亡乎三年其始弱矣

盈必毀天之道也注越人朝之伐齊勝之盈之極也

為十三年越伐吳起音義

櫨古雅疏正義曰吳語云反木名子胥將死曰而

縣吾目於吳門以見越人之入吳國之亡也遂自殺王愠曰孤不使大夫得有見也乃使取申胥之尸盛

以鷄夷而投之於江賈逵云鷄夷革囊也

○秋季孫命脩守備曰小勝大

禍也齊至無日矣注善有備音義

守手又反

○冬衛大叔

疾出奔宋注疾即齊也初疾娶于宋子朝注子朝宋

人仕衛為大夫音義

朝如字

其娣嬖注娣所娶女之娣

子朝出注出奔孔文子使疾出其妻而妻之疾使侍

人誘其初妻之娣寘於犂注犂衛邑音義

妻之七計反犂力兮

反而為之一宮如二妻文子怒欲攻之仲尼止之遂

奪其妻或淫于外州外州人奪之軒以獻注外州衛

邑軒車也以獻於君恥是二者故出衛人立遺使室

孔姑注遺疾之弟孔姑孔文子之女疾之妻音義

姑其

乙反又其吉反

疾臣向魍注為宋向魍臣音義

魍徒回反

納美珠

焉與之城鉏注城鉏宋邑宋公求珠魍不與由是得

罪及桓氏出注出在十四年城鉏人攻大叔疾衛莊

公復之注聽使還使處巢死焉殯於鄆葬於少禘注

終言疾之失所也巢鄆少禘皆衛地音義

鄆音云少
詩照反禘

大計反初晉悼公子慙亡在衛使其女僕而田注僕御

田獵音義

慙魚覲反一
作整征領反

大叔懿子止而飲之酒注懿

子大叔儀之孫音義

飲於
鳩反

遂聘之生悼子注悼子大

叔疾音義

聘匹
政反

悼子即位故夏戊為大夫注夏戊悼

子之甥音義

夏戶雅反下
同戊音茂

悼子亡衛人翦夏戊注翦

削其爵邑孔文子之將攻大叔也訪於仲尼仲尼曰

胡簋之事則嘗學之矣注胡簋禮器名夏曰胡周曰

簋音義

簋音軌

疏

注正義曰胡簋行禮所用之器故以胡簋言禮事論語衛靈公問曰俎豆

之事意亦同也明堂位說四代之器云有虞氏之兩敦夏后氏之四璫殷之六胡周之八簋如記文則夏器名璫殷器名瑚而包咸鄭玄等注論語賈服等注此傳皆云夏曰瑚杜亦同之或別有所據或相從而

誤

甲兵之事未之聞也退命駕而行曰鳥則擇木木

豈能擇鳥注以鳥自喻疏

正義曰對靈公軍旅之事未之學也其意亦與此同

軍旅甲兵以治國之具也此以文子非禮欲國內用兵靈公空問軍陳故並不答非輕甲兵也文子

遽止之曰圉豈敢度其私訪衛國之難也注圉文子

名度謀也音義

遽其據反度待洛反注及下同難乃旦反

將止注仲尼止

魯人以幣召之乃歸注於是自衛反魯樂正雅頌各

得其所疏

正義曰孔子世家云季康子使公華公賓公林以幣迎孔子孔子歸是也

○季

孫欲以田賦注丘賦之法因其田財通出馬一匹牛

三頭今欲別其田及家財各為一賦故言田賦音義

別如字一音彼列反

疏注正義曰司馬法方里為井四井為邑四邑為丘丘出馬一匹牛三頭四丘為

甸甸乃有馬四匹牛十二頭是為革車一乘今用田賦必改其舊但不知若何用之賈逵以為欲令一井

之間出一丘之稅井別出馬一匹牛三頭若其如此則一丘之內有一十六井其出馬牛乃多於常一十六倍且直云用田賦何知使井為丘也杜以如此則賦稅大多非民所能給故改之舊制丘賦之法田之所收及家內資財井共一馬三牛今欲別其田及家資各為一賦計一丘民之家資今出一馬三牛又計田之所收更出一馬三牛是為所出倍於常也舊使田與家資同賦今欲別賦其田故言欲以田賦也使

冉有訪諸仲尼仲尼曰丘不識也三發注三發問卒

曰注卒終也子為國老待子而行若之何子之不言也仲尼不對注不公答而私於冉有曰君子之行也注行政事度於禮施取其厚事舉其中斂從其薄如

是則以丘亦足矣注丘十六井出戎馬一匹牛三頭

是賦之常法音義

施尸豉反
斂力體反

若不度於禮而貪冒無

厭則雖以田賦將又不足且子季孫若欲行而法則
周公之典在若欲苟而行又何訪焉弗聽注為明年

用田賦傳音義

冒亡北反一音莫
報反厭於鹽反

春秋左傳注疏卷五十八

春秋左氏傳注疏卷五十八考證

齊陽生入于齊○林堯叟曰衛侯入于夷儀衛甯喜弑其君剽則喜為衛侯弑也齊陽生入于齊齊陳乞弑其君荼則乞為陽生弑也

傳需事之下也音義懦弱持疑也○監本脫懦字今添傳江漢睢漳楚之望也疏漳經襄陽至南郡當陽縣入江○監本脫縣字今添

傳楚昭王知大道矣○王應麟曰邾文公之知命楚昭

王之知大道惠王之知志其所知有出於卜祝史巫之外者

傳出萊門而告之故注魯郭門也○顧炎武日知錄曰

定九年杜注曰萊門陽關邑門

臣召南

按陽生此時

駕出魯城共謀杜云魯郭門是也不得以彼注難此
又按八年傳言景伯負載造于萊門即此萊門也安
得曰陽關邑門乎

傳使胡姬以安孺子如賴○

臣浩

按安孺子史記齊世

家作晏孺子

傳苟不以禮豈可量也○林堯叟曰苟命諸侯不以禮法則其包藏禍心豈可量度

傳太伯端委以治周禮疏太伯及仲雍皆周太王之子
○太王監本訛作文王今改正

傳禹合諸侯于塗山執玉帛者萬國今其存者無數十
焉○臣召南按晉書地理志曰春秋之初尚有千二
百國迄獲麟之末見于經傳者百有七十國百三十

九知其所居三十一國盡亡其處按此總論經傳中
所載國名耳至哀公時國之存者原不過數十也

齊人取讎及闡注闡在東平劉縣北○

臣召南

按各本

同誤東平無劉縣當是剛縣之訛剛縣前漢屬泰山
郡地理志曰剛故闡注應劭曰春秋取讎及闡今闡
亭是也後漢改屬濟東國故郡國志于剛縣下引此
傳及杜注可證

傳吳子聞之一夕三遷○

臣召南

按魯雖積弱微虎以

三百人奮志雪恥吳人氣奪使魯能用聖賢不且却敵千里之外乎

傳將進受命於君○林堯叟曰言往歲我聞齊乞師之命今又欲革而易之不知二命何者當從將進師伐齊以受齊君之命

傳秋吳城邳溝通江淮注西北至末口入淮○末監本訛作宋今改正

傳盈水名也子水位也疏○臣召南按趙世家本文惟

趙氏之先與秦共祖二句耳其伯翳以下皆孔疏約
世家本文自為序次較本文更明晰但各本俱作其
伯翳後世為盈泄此則刊刻之誤秦趙二國其先並
無名盈泄者也今從趙世家訂正改曰伯翳後世為
蜚廉

傳公會吳子邾子郕子伐齊南鄙師于鄆○
此邾子即大子革上年為吳人所立者也

傳務德而安民乃還疏猶趙氏世稱知伯○以文義推

臣召南按

之應作猶趙氏世稱趙孟知氏世稱知伯蓋脫漏八字也

傳冉求帥左師○

臣召南

按季氏孟氏分將左右二軍

孟懿子不親將而使其子季康子不親將而使家臣則知魯人之怯左師已捷齊師已遁冉有請從而季孫勿許傳言魯之不振

傳有餘以為已大器注大器鐘鼎之屬○大監本訛作長今改正

傳屬其子於鮑氏為王孫氏注改姓為王孫欲以避吳禍○顧炎武日知錄曰傳終言之猶夫概王奔楚為堂谿氏也杜注非

傳魯人以幣召之乃歸疏季康子使公華公賓公林以幣迎孔子○臣召南按史記孔子世家作季康子逐

公華公賓公林蓋三人皆小人康子用冉求之言故逐三人而聘孔子也孔疏作使字則是康子使三人以幣聘矣

傳有周公之典在○王應麟曰魯用田賦孔子曰有周
公之典在晉鑄刑書孔子曰晉國將守唐叔之所受
法度周公之典唐叔之法度魯晉所以立國也是以
漢循高祖之法則治唐變太宗之法則亂

春秋左氏傳注疏卷五十八考證

謹按卷五十七第三頁後六行疏以戰必在山旁
刊本監本毛本戰訛椒據宋本改

第四頁後一行疏故因殺夏后相也諸本因訛曰
據宋本改

第十頁後一行傳死知不曠刊本知不訛作不知
據毛本改

第十頁後四行注過再宿曰次刊本宿訛至據毛
本改

第十一頁後一行音義沂魚依反刊本魚訛音今

改

第十三頁前三行疏土揖庶姓刊本土訛士今改

第十四頁前二行疏又奔喪之禮諸本禮並訛袒

據宋本改

第十四頁前六行疏狀如今之著慘頭矣諸本慘

並訛慘據宋本改

第十九頁後六行音義店詩占反刊本占訛古今

改

第二十一頁前一二行音義有知刊本有訛反今

改

第二十四頁後三行注宰人家宰之屬刊本家訛

冢今改

第三十二頁前四行傳國夏伐晉起至七行音義

孟音于止共八十九字刊本脫據宋本增

卷五十八第三頁後七行注前已敗于柏舉諸本

舉訛人據宋本改

第八頁後三行音義或作儒刊本儒訛孺今改

第二十頁後一行傳獲叔子與析朱鉏諸本鉏並訛組據宋本及注文改

第二十九頁前五行音義本或作濕刊本濕訛隰今改

第三十二頁前六行傳公叔務人諸本叔並訛孫據宋本改

第三十三頁前七行音義遁徒困反刊本困訛因
今改

第三十四頁前行注悉賦稅之諸本悉並訛急
據宋本改





覆校官編修臣項家達
校對官檢討臣郭寅

騰錄貢生臣李炯

騰錄監生臣徐麟趾